

ლიფტი მხოლოდ წერილმანია

უხერხულობანი საერთო ინტერესების ფონზე

სოფო კილასონია

რამდენიმე დღის წინ იუნესკომ მსოფლიო კულტურული მემკვიდრეობის ძეგლების შესახებ გამოსცა მორიგი მიმოხილვა, სადაც წერია, რომ საქართველოს ბაგრატიის ტაძარი აღარ აკმაყოფილებს მსოფლიო კულტურული მემკვიდრეობის ძეგლისთვის აუცილებელ კრიტერიუმებს და რომ მას დაკარგული აქვს ავთენტურობა. დოკუმენტად გამოცემული განცხადება სახიფათოა განსაკუთრებით მას შემდეგ, რაც ბაგრატი მისი სარესტავრაციო სამუშაოების დაწყებიდან მალე ჩამოაქვეითეს ე.წ. ნითელ სიაში.

გაბრძობა
მ-6 გვარდია



რადიკალიზმი და "კარდაკარი"

მაგდა ლაქიაშვილი

მაშინ, როდესაც სიების დაზუსტების სახელმწიფო კომისიამ "კარდაკარი" თითქმის დაასრულა, ალტერნატიული "კარდაკარის" ჩატარებას სხვადასხვა გაერთიანებები იწყებენ. საზოგადოებრივი მოძრაობა "ამომრჩეველთა ლიგა" ერთ-ერთია, რომელიც საკუთარი რესურსით ცდილობს მოსახლეობის გადამოწმებას ამომრჩეველთა ერთიან სიაში. დღეიდან გაერთიანების რეგისტრაციები ჯერ მხოლოდ თბილისისა და ზუგდიდის მცხოვრებლებს შეამოსწებენ. "ამომრჩეველთა ლიგის" ხელმძღვანელი კოკა გუნცაძე ამბობს, რომ მათი მიზანია

სამართლიანი არჩევნების ჩატარება. "24 საათთან" საუბარში გუნცაძე კიდევ ერთხელ გამოხატავს უნდობლობას სიების დაზუსტების სახელმწიფო კომისიისადმი. გუნცაძე მიიჩნევს, რომ მათ მიერ ჩატარებული "კარდაკარი" დადებს რეალურ სურათს და მოსახლეობას მიანდის ინფორმაციას, თუ რა ვითარებაა თბილისისა და ზუგდიდში ამომრჩეველთა ერთიანი სიის მხრივ.

"ჩვენთვის მნიშვნელობა არა აქვს, გვენდობან თუ არა პოლიტიკური ორგანიზაციები; ჩვენი მიზანია, მოვიპოვოთ საზოგადოების მხარდაჭერა.

გაბრძობა
მ-3 გვარდია

საბერძნეთის არჩევნების "იზიდისომოსცაში" შედეგები

ივა შილაკაძე

საბერძნეთში კვირას გამართული განმეორებითი საპარლამენტო არჩევნები იმაზე გაცილებით ოპტიმისტური შედეგით დამთავრდა ქვეყნისა და ევროზონისთვის, ვიდრე ამას ექსპერტები და სოციოლოგიური კვლევის ინსტიტუტები მაისში პროგნოზირებდნენ. თუმცა სრული სიცხადე ჯერჯერობით არ არის და არც იქნება, სანამ არ მოხერხდება მყარი სამთავრობო კოალიციის შექმნა.

გაბრძობა
მ-4 გვარდია



პრემია "საბას" ფინალისტები

ლიტერატურული კონკურსი "საბას" ფიურში წლებიდან ფინალისტები გამოავლინა. კონკურსზე წარდგენილი 188 ნივთიდან, ფინალურ ეტაპზე, 42 საუკეთესო მოხვდა.

ივნისის მიწურულს თბილისი ბანკში "საბას" რიგით მეათე საზეიმო დაჯილდოება გაიმართება. "საბას" პრიზებსა და ფულად პრემიებს 2011 წლის საუკეთესო ნივთების ავტორები მიიღებენ.

საპრემიო ფონდი 40 ათას ლარს შეადგენს, რომელსაც გამარჯვებულ ავტორებს თბილისი ბანკი გადასცემს.

"საბა" წელსაც, ტრადიციულად, 9 ნომინაციაში გაიცემა. წლებიდან ნომინაციების ფინალისტების სია ასეთია:

წლის საუკეთესო პროზაული კრებული

1. ზვიად კვარაცხელია, ყიფილიზანი (ინტელექტი)
 2. ზურაბ ლეჟავა, სინაღდე სიყალბისა (ბაკურ სულაკაურის გამომცემლობა)
 3. მიხეილ მოსულიშვილი, მადლის ქვა (სიესტა)
 4. დავით ქართველიშვილი, 6 სიზმარი (ბაკურ სულაკაურის გამომცემლობა)
 5. ცირა ყურაშვილი, ხიზნები კომანის მონასტერთან (ინტელექტი)
 6. ბესო ხვედელიძე, ნითელი (საუნჯე)
- წლის საუკეთესო პოეტური კრებული
1. ცირა ბარბაქაძე, უცხოქალაქი (უნივერსალი)
 2. ელგუჯა მარლია, ნაბადი (სვეტი)
 3. პაატა შამუგია, დაუჯდომელი (სიესტა)
 4. ვაჟა ხორნაული, სიტყვები - სიყვარულის თვალები

- (თბილისი)
 5. კატო ჯავახიშვილი, ჭურბი (საუნჯე)
- წლის საუკეთესო რომანი
1. ზაზა ბურჭულაძე, გასაბერი ანგელოზი (ბაკურ სულაკაურის გამომცემლობა)
 2. აკა მორჩილაძე, Obole (ბაკურ სულაკაურის გამომცემლობა)
 3. ირაკლი სამსონაძე, ლეასაათი (ინტელექტი)
 4. ზურაბ ქარუმიძე, მელია ტულეფია: Foxtrot (სიესტა)
- წლის საუკეთესო დებიუტი
1. ეკატერინე ახვლედიანი, ორჰან ფაშის "უმანკოების მუზეუმი" (დოგენე)
 2. სალომე ბენიძე, მოხსენებითი ბარათი (ინტელექტი)
 3. ნინო გუგუშვილი, ფეის-კონტროლი (დოგენე)

გაბრძობა
მ-6 გვარდია

რა თქმა უნდა - ესპანეთი და იტალია!

სოსო კოტორიძე

მთელი საფეხბურთო ევროპა იმის მოლოდინში იყო, "გაგორებდნენ" თუ არა 2:2-ს ესპანეთი-ხორვატია და ჩატოვებდნენ იტალიას ჯგუფში.

თამაშების დაწყებამდე სპორტული მედია სწორედ ამაზე ბჭობდა და მეტოქეთა მწვრთნელ-ფეხბურთელებმა უხვად არიგეს კომენტარები.

გაბრძობა
მ-8 გვარდია



იტალია მეოთხედფინალში

1 აშშ დოლარი	1.6363*
1 ევრო	2.0645*
1 ინგლისური გირანა	2.5440*
1 თურქული ლირა	0.9010*
100 რუსული რუბლი	5.0512*

თბილისი	32°C - 18°C
ქუთაისი	29°C - 18°C
თელავი	32°C - 16°C
ზუგდიდი	27°C - 17°C
ბათუმი	26°C - 17°C

ნავთობი	2.61	-0.03	-1.23%
გაზი	2.61	+0.14	+5.48%
ოქრო	1,629.50	+1.40	+0.09%
ხორბალი	630.25	+20.75	+3.29%

"24 საათის" ელექტრონული ვერსია იხილეთ www.24saati.ge ჩვენი პარტნიორები:

ISSN 1987 9121
9 771987 912100

ფასდაკლების კუპონი

აქცია ექსკლუზივი

4 ივნისიდან 4 ივლისის ჩათვლით!

ექსკლუზიურად „24 საათის“ და „Weekend“-ის მკითხველისთვის!

- ამოჭერი კუპონი და მიიღე ექსკლუზიური ფასდაკლება „ბაკურ სულაკაურის გამომცემლობის“ წიგნებზე „საქართველოს ფოსტის“ პრესის ჯიხურებში მთელი საქართველოს მასშტაბით, თქვენთვის მოსახერხებელ ადგილას.
- აირჩიე 5 ნივთიდან შენთვის სასურველი 1 ნივთი და შეიძინე საუკეთესო ფასად!

ყვავი ცალინინდა ოინგაზოგს	5.90	4.90
ჰარი პოტარი და საიღუმლო ოთახი	9.00	4.00
ფალიაშვილის ქუჩის ქაღალაი	6.90	3.00
ქართული ანთროპოლოგია	17.90	11.90
კავკასიის გეოგრაფიკული ატლასი	15.90	11.00

დავით ბაქრაძემ წარმატებული მოსწავლეები დაასაჩუქრა

საქართველოს პარლამენტის თავმჯდომარემ დავით ბაქრაძემ და განათლებისა და მეცნიერების მინისტრმა დიმიტრი შაშკინმა თბილისის საჯარო სკოლების 150 მეთექვსმეტე პერსონალური კომპიუტერები გადასცეს. განათლების სამინისტროს პრესსამსახურის ინფორმაციით, დაჯილდოებულმა მოსწავლეებმა 2012 წელს წარჩინებით დაამთავრეს საბაზო საფეხური (მე-7, მე-8 და მე-9 კლასები).

წელს, საქართველოს მასშტაბით, კომპიუტერებით სულ 1022 წარმატებული მოსწავლე დაჯილდოვდება. პროექტი პრეზიდენტის ნაციონალური პროგრამის ფარგლებში ყოველწლიურად ხორციელდება და მისი მიზანია საქართველოს სკოლების წარჩინებული მოსწავლეების წახალისება და თანამედროვე ტექნოლოგიების ხელმისაწვდომობის გაზრდა.

როგორც სამინისტროში აღნიშნავენ, წარჩინებულ მოსწავლეთა ამ მიმართულებით წახალისება მომავალშიც გაგრძელდება.

"ლეიბორისტები" სააკაშვილსა და ივანიშვილს "ფარულ თანამშრომლობაში" ადანაშაულებენ

"ლეიბორისტული პარტია" მიხეილ სააკაშვილსა და ბიძინა ივანიშვილს ფარულ თანამშრომლობასა და გარიგებაში ადანაშაულებს. როგორც პარტიის ერთ-ერთმა ლიდერმა გიორგი გუგავამ გუშინდელ პრესკონფერენციაზე განაცხადა, მაშინ როდესაც, გულანთებელი მოსახლეობა 27 მაისს რეჟიმის შეცვლის სურვილით "თავისუფლების მოედანზე" იკრიბებოდა, მათ ჯერ კიდევ არ იცოდნენ, რომ მათგან დაფარულად სააკაშვილისა და ივანიშვილის ხალხი 26 მაისს ერთად ზეიმობდა.

გუგავას განმარტებით, "სოროსიზმის ფუძემდებელი საქართველოში, ანტიეროვნულობისა და ანტიმართლმადიდებლობის მთავარი იდეოლოგი", სააკაშვილის ემისარი გაერო-ში კახა ლომაია და ივანიშვილის "ოცნების" ლიდერები 26 მაისს ნიუ იორკში სრულიად შეხმატებულნი იყვნენ ერთობლივ აქციას.

"ეს არის უტყუარი მტკიცებულება კრიმინალოგიკარქისა და დიქტატორის ფარული თანამშრომლობისა და გარიგებისა, თუ როგორ აპირებენ არჩევნების შემდეგ ქართველი ხალხის გაბითურებასა და ძალაუფლების გადანაწილებას," - განაცხადა მან.

გუგავამ პრესკონფერენციაზე აღნიშნული ერთობლივი აქციის ფოტომასალაც წარმოადგინა.

გრიგოლ ვაშაძემ ისრაელის პარლამენტის დეპუტატები მიიღო

საქართველოს საგარეო საქმეთა მინისტრმა გრიგოლ ვაშაძემ გუშინ საქართველო-ისრაელის მეგობრობის ჯგუფიდან ისრაელის პარლამენტის დეპუტატები მიიღო.

საგარეო უწყების ინფორმაციით, დელეგაციას ქნესეთის წევრი ავრაამ მიხაელი ხელმძღვანელობს.

შეხვედრის დროს საქართველოსა და ისრაელის სახელმწიფოს შორის პოლიტიკური, ეკონომიკური და კულტურულ-სამეცნიერო ურთიერთობების განვითარების პერსპექტივები განიხილეს. მხარეებმა ორმხრივი სამართლებრივი ბაზის შემდგომი სრულყოფის საკითხებზე ისაუბრეს, რაც, სამინისტროს შეფასებით, ხელს შეუწყობს ორ ქვეყანას შორის ურთიერთობების შემდგომ განვითარებას.

გურიაში სოფლები დაიგბორა

ძლიერმა წვიმამ გურიაში წყალდიდობა გამოიწვია. დატბორილია ლანჩხუთისა და ოზურგეთის მუნიციპალიტეტების ტერიტორიები.

განსაკუთრებით დაზარადა ოზურგეთის რაიონის სოფელი ურეკი, სადაც წყლის დონემ ნახევარ მეტრს მიაღწია და 100-მდე მოსახლე დატბორა. რთული მდგომარეობაა სოფელ წყალმინდაშიც.

როგორც "ინტერპრესნიუსი" მხარის გუბერნატორ ვალერი ჩიტაიშვილის ინფორმაციაზე დაყრდნობით იუწყება, მოსახლეობის სახლებში ადიდებულმა მდინარეებმა და ხევებიდან ჩამოსულმა წყალმა შეაღწია, მალაღმთიან სოფლებში ფიქსირდება მეწყერის შემთხვევები, დახოცილია შინაური ფრინველი.

გუბერნატორის ცნობითვე, დატბორილ სოფლებში სპეციალური სამაშველო ჯგუფები იმყოფებიან, რომლებიც მოსახლეობას დახმარებას აღმოუჩენენ. ჯერჯერობით უცნობია ზარალის ოდენობა.

ბიძინა ივანიშვილს ჭარიის გადახდის ვადა გუშინ ამოეწურა

"ქართული ოცნების" ლიდერ ბიძინა ივანიშვილს კონტროლის პალატის ადმინისტრაციულ სამართალდარღვევათა ოქმების საფუძველზე დაკისრებული ჯარიმების გადახდის ვადა გუშინ ამოეწურა.

ვადის ამონურვის შემდეგ, კონტროლის პალატამ აღსრულების ფურცლით სასამართლოს უნდა მიმართოს, რის შემდეგაც საქმეში აღსრულების ეროვნული ბიურო ჩაერთვება. ხუთი დღის ვადაში აღსრულების ბიურო ივანიშვილს მიმართავს, გადაიხადოს დაკისრებული ჯარიმა, რისთვისაც კიდევ დამატებით 7 დღეს განუსაზღვრავს. თუ ბიძინა ივანიშვილი კვლავ არ გადაიხდის ჯარიმას, აღსრულების ეროვნული ბიურო გადაწყვეტს, რა იძულების გზით ამოიღოს აღნიშნული თანხა.

კონტროლის პალატის ორი ოქმის საფუძველზე, თბილისის საქალაქო სასამართლოს გადაწყვეტილებით, ბიძინა

ივანიშვილი ჯამში - 148 650 131 ლარით დაჯარიმდა. პირველი ინსტანციის სასამართლოს გადაწყვეტილებები ადვოკატებმა სააპელაციო სასამართლოში გაასაჩივრეს, რომელმაც ჯარიმები შეამცირა. სააპელაციო სასამართლოს გადაწყვეტილებით, ბიძინა ივანიშვილს ჯარიმა - 74 325 065 ლარ? აქვს გადასახდელი.

თუმცა, ბიძინა ივანიშვილი დაკისრებული ჯარიმის გადახდას არ აპირებს. ბიძინა ივანიშვილის გადაწყვეტილებას, ჯარიმის გადაუხდელობასთან დაკავშირებით, სამართლიანად მიიჩნევენ კოალიცია "ქართული ოცნების" წევრები, რადგან მათი განმარტებით, ამ ქმედებით, ხელისუფლების უკანონობის გამო, ბიზნესმენი უკანონო გადაწყვეტილების აღსრულების ვალდებულებას არ აიღებს.

"ბიძინა ივანიშვილი აღსრულების ეროვნული ბიუროს გადაწყვეტილების შესაბამისად იმოქმედებს. არ ვაპირებთ, აღსრულების ბიუ-

როს ვუკარნახოთ, რა უნდა მოიმოქმედოს ჯარიმის გადაუხდელობის შემთხვევაში, თუმცა ჩვენ ყველაფრისთვის მზად ვართ," - აცხადებს ეკა ბესელია.

"თუ ივანიშვილი არ გადაიხდის ჯარიმას, მაშინ მის პირად საკუთრებაში არსებული და არა მისი ნათესავების უძრავ-მოძრავი ქონება, აუქციონის წესით გაიყიდება. იმ შემთხვევაში, თუ საქართველოში არსებული ქონების გაყიდვიდან მიღებული თანხა კონტროლის პალატის ჯარიმას ვერ დაფარავს, მაშინ შესაძლოა, ივანიშვილის სახლებზე გაფორმებული ქონება საზღვარგარეთაც გაიყიდოს. თუმცა, აქ ერთი დეტალია გასათვალისწინებელი: იმ ქვეყნის კანონმდებლობა საქართველოს აღსრულების ეროვნული ბიუროს გადაწყვეტილებას არ უნდა ეწინააღმდეგებოდეს," - განმარტავს ახალგაზრდა იურისტთა ასოციაციის იურისტი ბექა დოჭვირი. მისივე თქმით, ივანიშვილისგან,

როგორც ფიზიკური პირისგან, თანხის ამოღება აღსრულების ბიუროს სხვა გზითაც შეუძლია.

"შესაძლოა, აღსრულების ბიურომ თანხა სეკვესტრის გზით ამოიღოს. ამ შემთხვევაში, დაინიშნება სეკვესტრის მმართველი, რომელიც ივანიშვილის პირად საკუთრებაში არსებულ ქონებას გარკვეული პერიოდით, მაგალითად, 1 წლის ვადით განკარგავს და ჯარიმის თანხის ამოღების შემდეგ, კუთვნილი ქონება ივანიშვილს უკან დაუბრუნდება. აღსრულების ეროვნული ბიურო იმ გზას აირჩევს, რომელიც მისთვის უფრო ეფექტური და მისაღები იქნება," - აცხადებს ახალგაზრდა იურისტთა ასოციაციის იურისტი.

როგორ განვითარდება მოვლენები იმ შემთხვევაში, თუკი სასამართლოს გადაწყვეტილებას "ქართული ოცნების" ლიდერი არ აღსრულებს, ჯერჯერობით უცნობია.

საკუთარი ინფორმაცია

კონფერენცია დაზარალებულის უფლებებზე

პროკურატურის ინიციატივითა და საქართველოში აშშ-ის საელჩოს მხარდაჭერით, ბათუმში კონფერენცია გაიხსნა, რომელიც დაზარალებულის უფლებებს, მისი დაცვისათვის გასატარებელი ღონისძიების ანალიზს მიეძღვნა. კონფერენციის მუშაობაში, მთავარი პროკურატურის გარდა, შსს-ს, სასჯელაღსრულების, იურიდიული დახმარებისა და პრობაციის სამინისტროს წარმომადგენლები, სოციალური მუშაკები და ამ საკითხებით დაინტერესებული არასამთავრობო ორგანიზაციების წარმომადგენლები მონაწილეობენ. ბათუმის კონფერენციით საქართველოში დაზარალებულის კვირეული გაიხსნა.

"საქართველოს მოქალაქე-

ების უსაფრთხოება, დანაშაულის მსხვერპლთა რაოდენობის შემცირება, დაზარალებულის ინტერესების მაქსიმალური დაცვა - საქართველოს პროკურატურის საქმიანობის ერთ-ერთი ყველაზე მნიშვნელოვანი მიმართულებაა. "დანაშაულისა და უსაფრთხოების კვლევის" უკანასკნელი მონაცემებით, გამოკითხულთა მხოლოდ 1.2 პროცენტი გახდა დანაშაულის მსხვერპლი გასული წლის განმავლობაში, უსაფრთხოების განცდა კი გამოკითხულთა 85 პროცენტს აქვს.

კონფერენციის მონაწილეებმა პროკურატურის ახალი პროექტის - "მონისა და დაზარალებულის კოორდინატორის" პრეზენტაცია მოისმინეს, გაეცნენ დანაშაულის სტატის-

ტიკის უახლეს მონაცემებს, განიხილეს დაზარალებულისათვის უფასო იურიდიული კონსულტაციის განვითარების დეტალები და იმსჯელეს ოჯახური ძალადობის საკითხებზე," - აცხადებენ პროკურატურის წარმომადგენლები.

კონფერენცია 19 ივნისს დასრულდება. მეორე სამუშაო დღეს სემინარის მონაწილეები ტრეფიკინგის პრობლემებზე ისაუბრებენ და მონისა და დაზარალებულის კოორდინატორის სამსახურის სამომავლო გეგმებს განიხილავენ.

დაზარალებულის კვირეულის ფარგლებში, იუსტიციის სამინისტროში გაიმართება სამომხმარებლო კმაყოფილების კვლევის პრეზენტაცია, მრგვალი მაგიდა, შეხვედრე-

ბი, დისკუსიები, სადაც დაზარალებულის უფლებების დაცვაზე, ამ მხრივ საერთაშორისო სტანდარტების დანერგვაზე ისაუბრებენ.

"მონისა და დაზარალებულის კოორდინატორის" სამსახური 2011 წლის აგვისტოდან მოქმედებს თბილისში, ბათუმში, ქუთაისსა და რუსთაველაში. წელს მისი არეალი გაფართოვდა - პროგრამამ თელავი, ზუგდიდი და გორიც მოიცვა. სამსახურის მიზანი სისხლის სამართლის საქმის მსვლელობისას მონაწილეთა და დაზარალებულებისადმი სამართლიანი და ღირსეული მოპყრობის უზრუნველყოფა და მათთვის საქმის მსვლელობასთან დაკავშირებით დეტალური ინფორმაციის მიწოდებაა.

საკუთარი ინფორმაცია

ეროვნული ცენტრის ყოფილი თანამშრომელი ვიდეოკამერა დააფიქსირა

გამოცდების ეროვნული ცენტრის ყოფილი თანამშრომელი მამუკა ჯიბლაძე 17 ივნისს, დაახლოებით ღამის 2 საათზე, სპორტის სასახლის მიმდებარე ტერიტორიაზე დაფიქსირდა. როგორც შს სამინისტროს პრესსამსახურის უფროსმა ზურაბ გვენეტაძემ განაცხადა, ჯიბლაძე სასტუმრო "პოლიდეი ინის" ვიდეოკამერებმა დააფიქსირა.

"ამოვიღეთ ვიდეომასალა

და ჯიბლაძის მეგობარს ვაჩვენეთ. მან ამოიწყო მამუკა ჯიბლაძე," - განაცხადა ზურაბ გვენეტაძემ. თუმცა, მამუკა ჯიბლაძის გამოჩენასთან დაკავშირებით, უამრავი კითხვა გაჩნდა, რაზეც ზურაბ გვენეტაძემ გვიპასუხა: "შინაგან საქმეთა სამინისტრო მუშაობს და დამატებით ინფორმაციას მოგვიანებით მოგანწვდით."

მამუკა ჯიბლაძე სახლიდან 11 ივნისს, დღის 2 საათზე

გავიდა. იგი თბილისის სახელმწიფო უნივერსიტეტში გამართულ სემინარს უნდა დასწრებოდა, შემდეგ კი მას სამსახურებრივი სხვა შეხვედრაც ჰქონდა დაგეგმილი. თუმცა, არც ერთ ადგილზე მამუკა ჯიბლაძე არ მისულა.

მომხდარის გამო, ოჯახის წევრებმა პოლიციას შეატყობინეს. გამომძიებელი იყო მამუკა ჯიბლაძის ბინაშიც.

52 წლის მათემატიკოსს

საზღვარგარეთ კარგად იცნობდნენ. იგი მოსწავლეთა კომპიუტერზე ადაპტირებული საატესტატო გამოცდების (CAT) ალგორითმის ავტორია.

მომხდართან დაკავშირებით, ვერსიები არც გამოცდების ეროვნულ ცენტრში გააჩნიათ. 11 ივნისს მამუკა ჯიბლაძე ცენტრის ყოფილ ხელმძღვანელს, მაია მიმინოშვილს უნდა შეხვედროდა.

საკუთარი ინფორმაცია

გაზეთი "24 საათი" გამომცემელი შპს "მეზი". რედაქტორ-გამომცემელი: მამუკა ფარუაშვილი, პაატა ვეშაპიძე.

რედაქცია: სოფიკო ჩხაიძე (მთავარი რედაქტორი), რედაქტორები: მაია ჭალაგანიძე (საზოგადოება, Weekend), ინგა ალავიძე (სამართალი), დავით ნინიკაშვილი (ბიზნესი), ივა შილაკაძე (უცხოეთი) სოფო კილასონია (რევიუ), კახა ფაშუაშვილი (სპორტი). რეკლამის და მარკეტინგის მენეჯერი: ირაკლი ლეჟავა ტელ: 899 22 09 49. კომპიუტერული ცენტრი: თამაზ ჩხაიძე (მენეჯერი), ირმა ჯიშკარიანი, თენგიზ ქორია, ნინო ყაველაშვილი რედაქციის მისამართი: ქ.თბილისი, კოსტავას ქ. № 68, საზოგადოებრივი მაუწყებელი, მე-3 კორპუსი, მე-3 სართული. ტელ: 40-94-45; 40-94-46; 40-94-47; 40-94-48 ელ-ფოსტა: public@24hours.ge

რადიკალიზმი და "კარდაკარი"

პირველი გვერდიდან

მოსახლეობამ უნდა განწყვიტოს ვის ენდობა - სიების დაზუსტების სახელმწიფო კომისიას, რომელიც სააკაშვილის მიერ არის ფორმირებული და გასაგებია, რა მიზნით, თუ დამოუკიდებელ საზოგადოებრივ მოძრაობას, რომელსაც თავისი წარსული აქვს და თავისი გზა გამოიარა უსამართლობასთან ბრძოლაში," - ამბობს კოკა გუნცაძე.

გასული წლის დეკემბერში საარჩევნო კოდექსში შეტანილი ცვლილებების შედეგად ამომრჩეველთა ერთიანი სიების ფორმირებაზე პასუხისმგებლობა სიების დაზუსტების კომისიას დაეკისრა. ამ უწყების გარდა, ჩასწორებებს სიაში ვერაფერს განახორციელებს. სწორედ ამიტომ, კომისიის თავმჯდომარემ მამუკა კაციტაძემ გასულ კვირას პოლიტიკურ პარტიებს თანამშრომლობა და ალტერნატიული "კარდაკარის" შედეგების სახელმწიფო კომისიისთვის მიწოდება შესთავაზა. "ამომრჩეველთა ლიგა" არ აპირებს კომისიასთან თანამშრომლობას. როგორც კოკა გუნცაძე ამბობს, ისინი თავად იწყებენ კამპანიას უზუსტობების წინააღმდეგ და მიზანი მხოლოდ ამ უზუსტობების საზოგადო-

ებისთვის დანახებაა. ივნისის ბოლოს ალტერნატიული "კარდაკარის" ჩატარებას აპირებენ "ქართულ ოცნებაში". სიების დაზუსტების სახელმწიფო კომისიისადმი გამოსატყობი უნდობლობის მიუხედავად, კოალიციის წევრები კომისიასთან მაინც ითანამშრომლებენ. კაციტაძის თქმით, მათ მიმართ "ქართულ ოცნებას" მაინც დამაინც დიდი უნდობლობა არა აქვს. უფრო მეტიც, კომისიისთვის ინფორმაციის მოწოდებას აპირებენ. კომისიაში უკვე მიიტანეს "ქართული ოცნების" ერთ-ერთი ოქტის პასპორტი (დოკუმენტი, სადაც პარტიები აღრიცხავენ საკუთარ მხარდაჭერებს უზენების მიხედვით), სადაც, გარდა იმისა, რომ კონკრეტული კოალიცია თავის მხარდაჭერებს იკვლევს, ამავდროულად აკონსულთა მოქალაქეების სხვადასხვა განცხადებები გარდაცვალებისა და საზღვარგარეთ ყოფნის შესახებ. საინტერესო კი ის არის, რომ ორივე განცხადების ადრესატი მამუკა კაციტაძეა.

სიების დაზუსტების სახელმწიფო უწყებას საკუთარი "კარდაკარის" შედეგებს გადაუგზავნიან პარტიები "თავისუფალი საქართველო" და "დემოკრატიული მოძრაობა".

სიების დაზუსტების კომისიის თავმჯდომარე მამუკა კაციტაძე ამბობს, რომ მისი უწყება სიების გადამოწმების პარალელურ "კარდაკარებში" ვერაფერ კონკურენტულს ვერ ხედავს. მაგრამ სიებში აღმოჩენილმა უზუსტობებმა საბოლოოდ აუცილებლად სიების კომისიაში უნდა მოიყაროს თავი. ამის შესახებ "24 საათთან" საუბარში კაციტაძემ "ამომრჩეველთა ლიგის" მიერ ალტერნატიული "კარდაკარის" ჩატარების პასუხად განაცხადა.

"თუ ალტერნატიულ "კარდაკარს" ეს მიზანი არა აქვს და გაერთიანებას, უბრალოდ, სურს, სიების კომისიის მუშაობა გააკრიტიკოს, ჩვენი ამ კრიტიკაზეც ადეკვატური რეაქცია გვექნება. პოლიტიკურმა პარტიებმა და სხვადასხვა ორგანიზაციებმა ჩვენამდე ინფორმაცია დროულად თუ არ მოიტანეს, ეს შესწორებები სიაში არ შევა და მათი მხრიდან განკვეული მონაცემებით მინიშნულებები მოხდება. პირადად ჩემი სურვილია, "ამომრჩეველთა ლიგამაც" და სხვა გაერთიანებებმაც ჩვენთან ითანამშრომლონ," - განაცხადა მამუკა კაციტაძემ. სიების კომისიის თავმჯდომარე იმასაც ამბობს, რომ თავის დროზე სწორედ სიების კომისიამ დააკმაყოფილა პოლიტიკური და სხვა გაერთიანებების, მათ შორის "ამომრჩეველთა ლიგის", მოთხოვნა და მათ სიების სამუშაო ვერსია მიანოდა. სიების დაზუსტების კომისიას არასამთავრობო ორგანიზაციამ "ამომრჩეველთა ლიგამ" და "რესპუბლიკურმა პარტიამ" ამომრჩეველთა ერთიანი სიის გადაცემის თხოვნებს სახელმწიფო უწყებისგან იმ მონაცემების მიღება სურდათ, რომელიც კომისიამ "კარდაკარის" რეგისტრაციისთვის მოამზადა, სანამ ისინი პროექტ "კარდაკარს" დაიწყებდნენ. ამომრჩეველთა ერთიანი საჯარო სიისგან განსხვავებით (რომელიც უკვე დევს კომისიის და, ასევე, ცესკო-ს ვებგვერდზე), სიის სამუშაო ვერსიაში ამომრჩეველები ოქტებად, არეალებად და სექტორებად არიან დაყოფილი.

კომისიის თავმჯდომარე მამუკა კაციტაძე აცხადებს, რომ სამუშაო ვერსიის განსაჯარობას არც საარჩევნო კოდექსი ითხოვს და არც "ზოგადი ადმინისტრაციული კოდექსი". მიუხედავად ამისა, კომისიამ გადაწყვიტა, "რესპუბლიკელებისა" და "ამომრჩეველთა" ლიგის თხოვნა დაეკმაყოფილებინა.

კომისიის თავმჯდომარე მამუკა კაციტაძე აცხადებს, რომ სამუშაო ვერსიის განსაჯარობას არც საარჩევნო კოდექსი ითხოვს და არც "ზოგადი ადმინისტრაციული კოდექსი". მიუხედავად ამისა, კომისიამ გადაწყვიტა, "რესპუბლიკელებისა" და "ამომრჩეველთა" ლიგის თხოვნა დაეკმაყოფილებინა.

კომისიის თავმჯდომარე მამუკა კაციტაძე აცხადებს, რომ სამუშაო ვერსიის განსაჯარობას არც საარჩევნო კოდექსი ითხოვს და არც "ზოგადი ადმინისტრაციული კოდექსი". მიუხედავად ამისა, კომისიამ გადაწყვიტა, "რესპუბლიკელებისა" და "ამომრჩეველთა" ლიგის თხოვნა დაეკმაყოფილებინა.

ჩეხეთის ელჩმა გალის შეხვედრების აღდგენის აუცილებლობაზე ისაუბრა

აფხაზეთის დე ფაქტო რესპუბლიკის საგარეო საქმეთა მინისტრმა ვიჩესლავ ჩირიკამ სოხუმში საქართველოში ჩეხეთის რესპუბლიკის ელჩი ივან იესტრუაბი მიიღო. აფხაზეთის მედიის ინფორმაციით, ე.წ. საგარეო საქმეთა მინისტრმა შეხვედრაზე დიალოგისთვის მზაობის სურვილი დააფიქსირა და ამ კუთხით ჩეხეთის პოზიციით დაინტერესდა.

"აფხაზეთი ევროპის ნაწილია. ჩვენ მომხრე ვართ, რომ ჩვენ შესახებ მეტი იცოდნენ. თქვენ შესაძლებლობა გაქვთ, თქვენი თვალთ ნახოთ, რომ რესპუბლიკა დინამიური, თანამედროვე ცხოვრებით ცხოვრობს," - მიმართა ელჩს ჩირიკამ.

შეხვედრაზე მხარეებმა გალის ინციდენტების პრევენციისა და მათზე რეაგირების მექანიზმის ფარგლებში ჩაშლილი შეხვედრების შესახებ ისაუბრეს. ელჩმა მოუწოდა მხარეებს, რომ ეს ფორმატი აღდგეს.

"ეს არის ფორმატი, რომელსაც ჩვენ მხარს ვუჭერთ. ჩეხეთი არის ევროკავშირის წევრი და ჩვენი დიპლომატიები აქტიურად არიან ჩართულები სამხრეთ კავკასიის შესახებ საკითხების განხილვაში. ჩვენ ასევე დიდ მნიშვნელობას ვანიჭებთ შეხვედრის მოლაპარაკებების ფორმატს, რომელიც საშუალებას გვაძლევს, გავცვალოთ აზრები და მივალწიოთ კომპრომისს," - აღნიშნა ელჩმა.

მაია ფანჯიკიძე ოზურგეთის აქციით კმაყოფილია

"ოზურგეთში გუშინდელი აქცია ყველა დროის ყველაზე დიდი აქცია იყო გურიისაში," - ამის შესახებ "ქართული ოცნების" პრესპიკერმა მაია ფანჯიკიძემ გუშინ გამართულ ტრადიციულ ბრიფინგზე განაცხადა და გურულებს აქციაში მონაწილეობისთვის მადლობა გადაუხადა.

მისი თქმით, გურიისაში "ქართულ ოცნებას" მიეცა საშუალება, ყველაფერი საკუთარი სცენარის მიხედვით წარემართა, რაც ვერ მოხერხდა ქუთაისში იქ მომხდარის ტრაგედიის გამო.

"იმედ მაქვს, რომ გურიისაში დასახლებული მაჟორიტარები დღეიდან დაიწყებენ მუშაობას და არჩევნებში წარმატებას მიაღწევენ. გუშინდელი აქცია ძალიან სასიამოვნო აქცია იყო, ძალიან ბევრი ადამიანი დაესწრო, წვიმამაც კი მოიცადა და აქციის დასრულების შემდეგ დაიწყო," - განაცხადა მაია ფანჯიკიძემ.

მისი თქმით, მცხეთა-მთიანეთში 1 ივლისს დაგეგმილი აქციაც მასშტაბური იქნება.

ეროვნული გამოცდების შედეგები 25 აგვისტოს გახდება ცნობილი

აბიტურიენტები გამოცდების საბოლოო შედეგებს 25 აგვისტოს შეიტყობენ. გამოცდების ეროვნულ ცენტრში აცხადებენ, რომ 25 აგვისტო იქნება ბოლო თარიღი, როდესაც ნებისმიერ აბიტურიენტს ეცოდინება, თუ რომელ ფაკულტეტზე მოხვდა და რა ოდენობის გრანტი მოიპოვა.

მანამდე კი, ეტაპობრივად, თითოეული გამოცდის შემდეგ გამოცდების ეროვნული ცენტრის ვებ-გვერდზე გამოქვეყნდება აბიტურიენტების მიერ ჩაბარებული გამოცდების ქულები. ნელს მთელი საქართველოს მასშტაბით, 17 საგამოცდო ცენტრი გაიხსნება.

ერთიანი ეროვნული გამოცდები 28 ივნისს დაიწყება და 19 ივლისს დასრულდება.

"ახალი მემარჯვენეები" ხელისუფლებას გაზიფიცირების პროცესის ხელშეწყობისკენ მოუწოდებენ

"ახალი მემარჯვენეები" ხელისუფლებას გაზიფიცირების პროცესში ხელისშეწყობისკენ მოუწოდებენ. როგორც "ინტერპრესნიუსი" პარტიის პრესსამსახურის ინფორმაციაზე დაყრდნობით იუწყება, "ახალი მემარჯვენეები" ფოთში საქართველოს პრეზიდენტის გამოსვლასა და გაზიფიცირების საკითხებზე მის მიერ გამოთქმულ მოსაზრებებს გამოეხმაურნენ.

"ახალი მემარჯვენეების" ეკონომიკური მიმართულების ხელმძღვანელმა ლევან კალანდაძემ განაცხადა, რომ როგორც იქნა, საქართველოს პრეზიდენტმა ფოთში მოსახლეობასთან შეხვედრის დროს აღიარა, რომ რაიონებში გაზიფიცირების პროცესში სერიოზული შეფერხებებია, რადგან კომპანიები კაბალურ პირობებს აყენებენ.

"ახალი მემარჯვენეები" დიდი ხანია, სხვადასხვა რეგიონებში მოსახლეობასთან შეხვედრების დროს ვსაუბრობთ და არაერთი პრესკონფერენციაც მიუძღვნით იმ ფაქტს, რომ მოსახლეობას გაზის საკუთარ ოჯახებში შეყვანის საფასურის ერთბაშად გადახდის შესაძლებლობა არა აქვთ. "სოკარი" და "იტირა" მონოპოლისტი კომპანიები არიან და რეგიონებში მოსახლეობის გაზიფიცირების სტანდარტებსა და ფასებსაც დამოუკიდებლად, საკუთარი სუბიექტური შეხედულებებისამებრ აწესებენ," - აცხადებს კალანაძე.

მისივე თქმით, რაიონებსა და განსაკუთრებით სოფლებში მოსახლეობას სახლებში გაზის შეყვანა კაბალური პირობებით უწევთ. ამ მიზნით "სოკარიც" და "იტირაც" ოჯახებს 500-600 ლარს და რიგ შემთხვევებში, 700 ლარამდე თანხასაც კი ახდენენ.

მშპ 6,8 პროცენტით გაიზარდა

მაგდა ლაქიანაძე

მთავრობის კანცელარიაში მთავრობის გუშინდელ სხდომაზე პრემიერმა ნიკა გილაურმა მინისტრთა კაბინეტს პირველი კვარტლის მაკროეკონომიკური მაჩვენებლების შესახებ მიანოდა ინფორმაცია. სტატისტიკის დეპარტამენტმა პირველად მონაცემები უკვე შეაჯამა და გადაცა მთავრობას კონკრეტული ციფრები როგორც საგარეო ვაჭრობის მაჩვენებლებზე, ასევე პირდაპირ ინვესტიციებზე. გილაურის თქმით, პირველი 5 თვის მონაცემებით,

საქართველოში საგარეო ვაჭრობა გაიზარდა, დაახლოებით, 19-20 პროცენტით: იმპორტი - 21-22 პროცენტით, ხოლო ექსპორტი - 12-13 პროცენტით. პრემიერი თქმით, ეს არ არის ცუდი მაჩვენებელი და ამ წლის პირველი კვარტალი ერთ-ერთი წარმატებული კვარტალი იყო ბოლო წლების განმავლობაში პირდაპირი ინვესტიციების კუთხით.

"საქართველოში 270 მილიონი დოლარი შემოვიდა და ყველაზე დიდი ინვესტორი ქვეყანა გერმანია იყო. თუ გასული წლის იმავე პერიოდის მონაცემებს შევადარებთ, ზრდა, დაახლოებით,

60-65-პროცენტია. ეს რეალურად არის სამუშაო ადგილების შექმნაში ჩადებული ინვესტიცია. ჩვენი მიზანი სწორედ უმუშევრობის დონის შემცირებაა," - განაცხადა ნიკა გილაურმა. მან ასევე ისაუბრა მთლიანი შიდა პროდუქტის ზრდაზეც. გილაურის თქმით, ბოლო რამდენიმე თვის განმავლობაში სტატისტიკის დეპარტამენტი ინტენსიურად მუშაობდა მონაცემთა ბაზის გამოსწორებაზე. თუ დაუკვირვებელი ეკონომიკის ნაწილი იყო 20-21 და ხშირად 22 პროცენტი, ახლა ეს შემცირებულია 13- 14 პროცენტამდე, ანუ მონაცემები

ცდომილება შეიძლება, სწორედ 13-14 პროცენტი იყოს.

"ბევრად უფრო სწორი ინფორმაცია გვაქვს ყოველდღიურ ეკონომიკურ საქმიანობაზე საქართველოში. პირველ კვარტალში მთლიანი შიდა პროდუქტი 6,8 პროცენტით არის გაზრდილი, რაც ერთ-ერთი მაღალი მაჩვენებელია რეგიონში და შესაძლოა, მსოფლიოშიც, თუ გავითვალისწინებთ, რომ მსოფლიო ეკონომიკა დღეს არცთუ სახარბიელო მდგომარეობაშია. მათ ეკონომიკური ზრდის მხრივ სერიოზული პრობლემები აქვთ," - ამბობს ნიკა გილაური.

პარლამენტი პარლამენტს ახალ ელჩებს სთავაზობს

პარლამენტი საგაზაფხულო სესიის დასრულებამდე ცხრა ახალი ელჩის დამტკიცებას აპირებს. ელჩობის კანდიდატები პრეზიდენტმა გუშინ ბიუროს წარუდგინა.

ესპანეთში საქართველოს საელჩოში საგანგებო და სრულუფლებიანი დესპანი ირაკლი ყურაშვილი შევიცარის ელჩობის კანდიდატია. ბელარუსში საქართველოს საელჩოს საგანგებო და სრულუფლებიანი დესპანი დავით კოტარია ამავე ქვეყნის ელჩი გახდება; არგენტინაში საქართველოს საგანგებო და სრულუფლებიანი ელჩი ალექსანდრე ლაცაბიძე კანადაში ამავე თა-

ნამდებობაზე გადადის (ის ასევე იქნება საქართველოს წარმომადგენელი საერთაშორისო საქალაქო ავიაციის ორგანიზაციაში (IKAO)). ხოლო, კანადაში მივლენილი დიპლომატი ლევან მეტრეველი დიპლომატიურ საქმიანობას ბულგარეთში გააგრძელებს; არგენტინაში კი, საქართველოს საგანგებო და სრულუფლებიანი ელჩის პოსტზე პრეზიდენტმა პარლამენტს საგარეო საქმეთა სამინისტროს ამერიკის დეპარტამენტის დირექტორის მოადგილე გელა სენიაშვილის კანდიდატურა წარუდგინა. პრეზიდენტმა პარლამენტს ეთიოპიაში ელ-

ჩობის კანდიდატად - ვახტანგ ჯაოშვილი, სამხრეთ აფრიკის რესპუბლიკაში - ბექა დვალი, ინდონეზიაში - ზურაბ ალექსიძე და თურქეთში ზურაბ პატარაძე წარუდგინა.

გუშინ ბიუროზე საბიუჯეტო კოდექსში ცვლილებების პროექტიც დარეგისტრირდა. კანონპროექტის ინიციატორები არიან საპარლამენტო უმრავლესობის წევრები ანდრო ალავიძე და გურანდა ჯაბუა. პროექტის თანახმად, მშენებლობის ზედამხედველობის ორგანო, სამშენებლო ობიექტზე არსებული დარღვევების გამოსწორების მიზნით, შესაბამისი რეკომენდა-

ციების გაცემის უფლებას მიიღებს. გარდა ამისა, დგინდება მშენებლობის სახელმწიფო-ტექნიკური ზედამხედველობის მოსახურების მოსაკრებელი, რომლის გადახდაც მშენებლებს მოუწევთ. კანონპროექტის კიდევ ერთი სიახლე ის არის, რომ მოსაკრებლის ოდენობასა და გადახდის წესს ადგილობრივი თვითმმართველი ერთეულის საკრებულო განსაზღვრავს. მოსაკრებლის მაქსიმალური ზღვარი 7000 ლარს არ უნდა აღემატებოდეს. აკრეფილი თანხა კი ადგილობრივ ბიუჯეტში აკუმულირდება.

საკუთარი ინფორმაცია

საბერძნეთის არჩევნების "იზიდისომოსში" შედეგები

პირველი გარდასახვა

ეს კი მძიმე მოლაპარაკებების შემდეგ შეიძლება მოხდეს.

შინაგან საქმეთა სამინისტროს მიერ (საარჩევნო კომისია ამ სტრუქტურის ნაწილია) გამოცხადებული წინასწარი შედეგები თითქმის დაემთხვა "ეგზიტოლოგებს" შედეგებს, რომლებიც უკვე მოყვანილი იყო "24 საათის" გუშინდელ სტატიაში. ბიულეტენების 99,9 პროცენტის დათვლის შემდეგ პირველ ადგილზე მემარჯვენე ცენტრისტული "ახალი დემოკრატია" - 29,7 პროცენტით. მეორე ადგილზე გავიდა მემარცხენე რადიკალური კოალიცია "სირიზა", რომელსაც 26,9 პროცენტი აქვს, ხოლო მესამე ადგილზე გასული სრულიად ბერძნული სოციალისტური პარტია ("პასოკი") 12,3 პროცენტით "დაკმაყოფილდა". ჩვენმა მკითხველმა კარგად იცის, რომ ეს პარტია ბოლო 4 ათწლეულის განმავლობაში საბერძნეთში წამყვან როლს ასრულებდა, მაგრამ მასვე ბრალდება მკაცრი ეკონომიის ზომების შემო-

ღება და სასესხო კრიზისთან წარუმატებელი ბრძოლა.

საბერძნეთში მოქმედი კანონის შესაბამისად, არჩევნებში პირველ ადგილზე გასული პარტია დამატებით იღებს 50 მანდატს და ამ "პრემიასთან" ერთად ანტონის სამარასის "ახალ დემოკრატიას" 300-კაციან პარლამენტში 129 მანდატი ექნება. კოალიცია "სირიზას" (ლიდერი - ალექსის ციპრასი) შეხვდა 71 მანდატი, "პასოკს" შესაბამისად, 33 მანდატი. დანარჩენი ადგილები უფრო წვრილმა პარტიებმა დაიკავეს, როგორც მემარცხენე, ასევე მემარჯვენე ფლანგიდან.

ქვეყანაში ძირითადი დაპირისპირება პოლიტიკურ პარტიებს შორისა და საზოგადოებაშიც არის ევროპის დახმარების მიღების პირობებზე. მემარცხენეები, "სირიზას" თაოსნობით, ევროზონის ქვეყნებისა და საერთაშორისო სავალუტო ფონდის წინაშე ალბუღ ვალდებულებებზე უარის თქმას ემხრობიან და უკიდურეს შემთხვევაში ევროს ზონის დატოვებაც შეიძლება "წა-

ვიდნენ". ამ აზრს იზიარებს ზოგი წვრილი მემარჯვენე პარტიაც. ხოლო მემარჯვენე და მემარცხენე ცენტრისტები - "ახალი დემოკრატია" და "პასოკი" - ევროპის წინაშე ალბუღ ვალდებულებების შესრულებას და მკაცრი ეკონომიის ზომების გატარებას ემხრობიან. ეს გულისხმობს ქვეყნის დარჩენასაც ევროს ზონებში. ეს ვალდებულებები ევროპის დახმარების სანაცვლოდ სწორედ ამ პარტიებმა იკისრეს, რადგან უმრავლესობა წინა მონვევის პარლამენტში მათ ხელში იყო.

საზოგადოების დაახლოებით ნახევარს არ მოსწონს მკაცრი ეკონომიის ზომები, ეს მათ შემოსავლებზე პირდაპირ აისახება, მაგრამ ევროს ზონის დატოვება მოსახლეობის 70 პროცენტს არ უნდა. არჩევნების შედეგებში გაურკვეველობას ქმნის სწორედ მოსახლეობის ნაწილის გაორებული მდგომარეობა. ეტყობა, ამომრჩეველთა ნაწილი ვერ აცნობიერებს, რომ ქვეყნის მიერ ალბუღ ვალდებულებების შესრულებაზე უარის თქმა და თან ევროზონაში

დარჩენა, მით უმეტეს, შეპირებული დახმარების დანარჩენი ნაწილის მიღება ერთმანეთთან შეუთავსებელი ცნებებია.

მაისში ექსპერტების უმრავლესობა შიშობდა, რომ ამ რიგგარეშე არჩევნებში "სირიზას" შეიძლება მეტი ხმები მიეღო, ვიდრე 6 კვირის წინ. მათ მართლაც მიიღეს მეტი ხმები, მაგრამ ისევ სხვა მემარცხენეების, უფრო კი "პასოკის" ხარჯზე. გაიზარდა "ახალი დემოკრატის" მანდატების რაოდენობაც და ეს გარკვეული იმედის საფუძველს ქმნის. უმრავლესობის მოსაპოვებლად მათ მხოლოდ 22 მანდატი სჭირდებათ. უმრავლესობის ჩამოსაყალიბებლად სავარაუდო ვარიანტების შესახებ გუშინ წინააღმდეგობრივი ინფორმაცია გავრცელდა. პრეზიდენტმა კოალიციის შექმნა ჯერ, ცხადია, ანტონის სამარასს შესთავაზა. "სირიზას" ახალგაზრდა ლიდერმა ალექსის ციპრასამაც აღიარა, რომ "ახალი დემოკრატის" ლიდერს ეს უფლება ეკუთვნის. ზოგი მონაცემებით, "პასოკი" მემარჯ-

ვენე ცენტრისტებთან ალიანსში შესვლის წინააღმდეგია. ისინი ფართო კოალიციას ემხრობიან, "ახალი დემოკრატის", "პასოკის", "მემარცხენე დემოკრატებისა" და "სირიზას" მონაწილეობით. ვნახოთ, აქედან რა გამოვა. "ახალი დემოკრატისა" და "სირიზას" პოზიციების შეთანხმება არარეალურია. მიმომხილველთა ნაწილი მაინც ვარაუდობს, რომ შეიძლება მიხერხდეს შეთანხმების მიღწევა ერთ პოზიციასზე მყოფ მემარჯვენე ცენტრისტებსა და მემარცხენე ცენტრისტებს ანუ "ახალ დემოკრატიასა" და "პასოკს" შორის. ამ ვარიანტის მისაღწევად, შეიძლება, ორივე პარტიასზე ფარული ზეწოლა ევროპიდანაც განხორციელდეს. არ არის გამორიცხული, ნაწილობრივ გადაისინჯოს ხელშეკრულებაც ევროკავშირთან და საერთაშორისო სავალუტო ფონდთან. ამ შემთხვევაში უმრავლესობის შექმნას წინ აღდარაფერი დაუდგება, "ახალი დემოკრატის" 129 და "პასოკის" 33 მანდატი ამას თავისუფლად ჰყოფნის.

ბიზნესი

საბერძნეთში ევროს მომხრეებმა გაიმარჯვეს

თინა გავაძი

ევროპის სავალუტო ბაზარზე ევროზე მოთხოვნა გაიზარდა. დღევანდელი ვაჭრობის შედეგებით, ევროს გაცვლითმა კურსმა 1,27 ამერიკული დოლარი შეადგინა. ბაზრის მოთამაშეები ევროს აქტიურად ყიდულობენ, ამის მიზეზად კი სახელდება საბერძნეთის არჩევნებში პარტია "ახალი დემოკრატის" გამარჯვება, რომელიც ევროპული ინტეგრაციის პოლიტიკის შენარჩუნებას უჭერს მხარს. ამის შესახებ "ბი-ბი-სი" ოუწყება.

ამ ინფორმაციის გავრცელებამ დადებითი ზეგავლენა მოახდინა ევროპის საფონდო ბირჟებზეც. წამყვანი ინდექსის FTSEurofirst-ის აქციების ფასმა გუშინ 1 პროცენტით მოიმატა.

ზრდა დაფიქსირდა აზიის ბაზრებზეც. წამყვანმა საფონდო ინდექსებმა მოიმატა იაპონიის, ჰონკონგის, სამხრეთ კორეისა და ავსტრალიის ბირჟებზეც.

თუმცა მალე ინვესტორებმა აჩვენეს, რომ ისინი კვლავ შეშფოთებულნი არიან ევროზონის კრიზისით. ყველაზე ცუდი სიგნალი გახდა ესპანეთის 10-წლიანი ობლიგაციების საპროცენტო

განაკვეთის ზრდა, რომელმაც კრიტიკული დონეს, 7-პროცენტთან ზღვარს გადააჭარბა. მსგავსი დონე ძალიან გართულებს მადრიდის მიერ გრძელვადიანი საბიუჯეტო დეფიციტის დაფინანსებას. ბევრი ეკონომისტის აზრით, ესპანეთის პრობლემებმა ევროზონას სწორად მუშაობის შანსი აღარ დაუტოვა.

საბერძნეთის შინაგან საქმეთა სამინისტროს პრესსამსახურის ინფორმაციით, რომელიც ხმების დათვლას აწარმოებს, ხმის მიცემის საბოლოო შედეგების თანახმად, "ახალმა დემოკრატია" ხმათა 29,6 პროცენტით მიიღო და პარლამენტში 129 ადგილი დაიკავა. მემარცხენე რადიკალურმა ბლოკმა "სირიზამ" კი ხმათა 26,9 პროცენტით პარლამენტში 71 ადგილი მიიღო.

მემარცხენე-ცენტრისტულ პარტია "პასოკს" 12,28 პროცენტი და 33 ადგილი ერგო; "დამოუკიდებელ ბერძნებს" - 7,51 პროცენტი და 20 ადგილი. გამარჯვებული პარტიის "ახალი დემოკრატის" ლიდერმა ანტონის სამარასმა უკვე განაცხადა, რომ მთავრობა, რომელიც მისი პოლიტიკური ძალის მონაწილეობით ჩამოყალიბდება, უცხოელ კრედიტორებთან გაფორმე-



ბული შეთანხმებების ერთგული იქნება.

იმ შემთხვევაში, თუ პარტიები მთავრობის შექმნაზე ვერ შეთანხმდებიან, შესაძლოა იგივე სიტუაცია გამეორდეს, რომელიც 6 მაისის საპარლამენტო არჩევნების შემდეგ შეიქმნა, როდესაც მოლაპარაკებები ჩიხში შევიდა და ახალი არჩევნები დაინიშნა.

საბერძნეთის პოლიტიკური კრიზი-

სის გამო ბევრმა საერთაშორისო ფონდმა თუ საფინანსო ინსტიტუტმა დაითვალა, რა დაუჯდებოდა ევროზონას საბერძნეთზე უარის თქმა და ამ ქვეყნის მიერ დეფოლტის გამოცხადება.

ევროზონიდან ერთი წევრის გასვლის პირდაპირი ზარალი ბანკ Barclays-ის ეკონომისტებმა შეაფასეს:

იმ 80 მილიარდი ევროდან, რომე-

ლიც პირველადი დახმარების სახით საბერძნეთს 2010 წლის მაისში გადაეცა, 53 მილიარდი დოლარი უკვე დაიხარჯა.

დახმარების მეორე პაკეტი, რომელიც ქვეყანამ ევროპის ფინანსური სტაბილურობის ფონდიდან უნდა მიიღოს, 145 მილიარდიდან 73 მილიარდი ევრო უკვე ათვისებულია. დეფოლტის შემთხვევაში, ევროპის ცენტრალური ბანკის ზარალი ქვეყნების წილობრივი ფინანსური შენატანის მიხედვით გადაიწილება.

გარდა ამისა, აუცილებელია ECB საერთაშორისო სავადასახადო სისტემაში, საბერძნეთის პოზიციის გადასახადის გადახდა იმპორტის მიმართ. ამ შემთხვევაში, ECB-ი 135 მილიარდ ევროს დაკარგავს.

ECB-მა 35 მილიარდი ევროს საბერძნეთის ობლიგაციები შეიძინა, ისინი უნდა ჩამოინეროს. საბერძნეთი ფულს არც საერთაშორისო სავალუტო ფონდს დაუბრუნებს.

ამდენად, ევროზონის ქვეყნების საერთო დანაკარგი სავალუტო კავშირიდან საბერძნეთის გასვლის შემდეგ, დაახლოებით, 291,1 მილიარდ ევროს შეადგენს და ეს მათი მშპ-ს 3.1 პროცენტია.

აშენე შენთვის მომავალი

ჰიუნდაის სამშენებლო თექნიკა

ახლა უკვე წლიანი გარანტიით

თებეთა თრეი ენდ ბას

დ. აღმაშენებლის ხეივანი მე-12 კმ №5; თბილისი, საქართველო

☎ 995 32 226 44 44

info@hyundai-ce.ge; www.hyundai-ce.ge

HYUNDAI

HEAVY INDUSTRIES CO., LTD.

სოციალისტებმა საფრანგეთში უმრავლესობა მოიპოვეს

სალომე ჯანიასვილი

საფრანგეთში ჩატარებული არჩევნების შედეგად პრეზიდენტ ფრანსუა ოლანდის სოციალისტურმა პარტიამ პარლამენტის ქვედა პალატაში აბსოლუტური უმრავლესობა მოიპოვა. საბოლოოდ მათ მიიღეს 289 მანდატზე გაცილებით მეტი, რაც აუცილებელია ნებისმიერი კანონის მისაღებად.

წინასწარი მონაცემებით, ოლანდის პარტიამ, უახლოეს მოკავშირეებთან ერთად, ეროვნულ ასამბლეაში 577 ადგილიდან 315 მიიღო. ეს არის საუკეთესო შედეგი, რომელსაც სოციალისტურმა პარტიამ საფრანგეთის უახლეს ისტორიაში მიაღწია. არჩევნების შედეგები ახალი რეფორმების გატარებას "მწვანე შუქს" უნთებს. ადგილებს ამ რაოდენობით სოციალისტებს "მწვანეებთან" ან უკიდურეს მემარცხენეებთან არ სჭირდებათ კოალიციის შექმნა იმისთვის, რათა საკუთარი გეგმები განახორციელონ.

განსაკუთრებულ ყურადღებას იქცევდა არჩევნები ლა-როშელში, სადაც დეპუტატის მანდატის მოსაპოვებლად პრეზიდენტ ოლანდის ყოფილი მეუღლე და პრეზიდენტობის ექსკანდიდატი 2007 წელს სეგოლენ რუაიალი იბრძოდა, თუმცა ლა-როშელში გამარჯვება მისმა მონინალდემ გემ, "დიდიდენტმა" სოციალისტმა ოლივიე ფალორნიმ მოიპოვა.

ნაგებულთა სიაში აღმოჩნდა საფრანგეთის ულტრამარჯვენე "ეროვნული ფრონტის" კანდიდატი მარინ ლე პენიცი, რომელსაც გამარჯვებამდე სულ ცოტა



დამარცხებული ლიდერები სეგოლენ რუაიალი და მარინ ლე-პენი

დააკლდა. ამასთან ერთად, ბედმა გაუღიმა მის 22 წლის ძმისშვილს მარიონ მარეშალ ლე პენს, რომელიც პარლამენტში ყველაზე ახალგაზრდა დეპუტატი იქნება. წინასწარი ინფორმაციით, პარ-

ტიამ 2 საპარლამენტო მანდატი მოიპოვა. მიუხედავად ამისა, მარინ ლე პენმა შედეგს "უზარმაზარი წარმატება" უწოდა, რადგან მისი პარტია 1998 წლის შემდეგ პირველად მოხვდა პარლამენტში.

მარინ ლე პენმა განაცხადა, რომ ხმების გადათვლას მოითხოვს, რადგან განსხვავება ძალიან პატარა იყო (118 ხმა).

საფრანგეთის ექსპრეზიდენტ ნიკოლა სარკოზის დასაყრდენმა პოლიტიკურმა ძალამ "კავშირი სახალხო მოძრაობისათვის" 214 ადგილი მოიპოვა. წინა მონვევის ეროვნული კრებაში პარტიას 304 მანდატი ჰქონდა.

სოციალისტური პარტიის ლიდერმა მარტინ ობრიმ ამომრჩევლებს მხარდაჭერისათვის მადლობა გადაუხადა და პირობა დადო, რომ მათი პარტია ქვეყანაში სამართლიანობას აღადგენს. თავის მხრივ, განცხადება პრემიერ-მინისტრმა შან-მარკ ეირომაც გააკეთა და განაცხადა, რომ ფრანგმა ამომრჩევლებმა რეფორმების მიმართ თავისი ნება დააფიქსირა.

საინტერესოა, რომ რუსეთის ცენტრალური საარჩევნო კომიტეტის დელეგაციამ, რომელიც სტუმრის სტატუსით იყო საფრანგეთის არჩევნებზე, დააფიქსირა გაყალბების შესაძლებლობები, რამაც მასპინძელ ქვეყანაში დაბნეულობა გამოიწვია. უნდა აღინიშნოს, რომ ბოლო საპრეზიდენტო და საპარლამენტო არჩევნების დროს კრიტიკის ობიექტი თავად რუსეთის ცენტრალური საარჩევნო კომიტეტი იყო იმ დარღვევების გამო, რომლებსაც რუსეთში არჩევნების დროს ადგილი ჰქონდა. თუმცა მთლიანობაში რუსეთის დელეგაციის ხელმძღვანელმა ელენა დუბროვინამ ვერ შეძლო არ აღნიშნა, რომ არჩევნების საფრანგეთში მიმდინარეობდა ლიად, ხოლო გაყალბების შესაძლებლობა მინიმალური იყო.

მოსკოვში ირანის ბირთვული პროგრამის შესახებ მოლაპარაკებები მიმდინარეობს

მოსკოვში ირანის ბირთვულ პროგრამასთან დაკავშირებით მორიგი მოლაპარაკებები დაიწყო. შეგახსენებთ, რომ მოლაპარაკებებში ე.წ. "ექვსეული" (გაეროს უშიშროების საბჭოს ხუთი მუდმივი წევრი და გერმანია) და ირანის მხარე მონაწილეობენ. რუსი დიპლომატები იმედოვნებენ, რომ პროცესი საბოლოოდ დაიძვრება გაყინული ნერტილიდან, თუმცა ზოგიერთი ექსპერტი უკვე იმაზე საუბრობს, მოლაპარაკებების ჩავარდნის შემთხვევაში გახდება თუ არა შესაძლებელი ომის თავიდან აცილება.

შეხვედრა პლენარული სხდომით დაიწყო, რომლის წინაშეც საგარეო საქმეებში ევროკავშირის უმაღლესი წარმომადგენელი კეტრინ ეშტონი და ირანის ეროვნული უსაფრთხოების უმაღლესი საბჭოს მდივანი საიდ ჯალილი წარდგინდნენ.

"კომერსანტს" იმ კომპრომისული გეგმის დეტალები ჩაუვარდა ხელში, რომლებიც მხარეებმა უნდა განიხილონ. აქ რამდენიმე პუნქტი მოყვანილი. მათ შორის პირველია ის, რომ ირანი ნათანზის ქარხანაში ურანის გამდიდრებას 20 პროცენტთან 3 ან 5 პროცენტამდე შეამცირებს. მეორე პუნქტი კი შემდეგში მდგომარეობს - "ფორდოში" მთლიანად უნდა შეჩერდეს გამამდიდრებელი სამუშაოები და თავად ობიექტი დაიხუროს. ამ ყველაფრის სანაცვლოდ ირანს საშუალება მიეცემა, სხვა ქვეყნებში უკვე მალაღონე გამოდიდრებული ურანით თეირანის სამედიცინო-კვლევითი რეაქტორისათვის დაამზადოს სანვავის ლეროები, რასაც ბირთვული ენერჯის საერთაშორისო სააგენტო მკაცრად გააკონტროლებს. ამ გეგმის პირველივე პუნქტის შესრულებისათვის ირანისათვის სანქციების მოხსნა დაინიშნება.

მოსკოვის ამ შეხვედრას გადამწყვეტად მიიჩნევენ. "კომერსანტის" მონაცემებით, შეხვედრის ჩავარდნის შემთხვევაში ამერიკა ირანთან ახალ მოლაპარაკებებს აღარ დათანხმდება. მაშინ თეირანისათვის სანქციების გამოკაცრება გარდაუვალი გახდება, პრობლემის ძალისმიერი გადაწყვეტა კი - სრულიად მოსალოდნელი. როგორც "კომერსანტი" აღნიშნავს, მოლაპარაკებების მარცხი ისრავლს საბოლოოდ დაარწმუნებს, რომ ირანზე დარტყმა ერთადერთი გზაა. თუმცა, ექსპერტების უმრავლესობა თანხმდება იმ აზრზე, რომ ისრავლს დამოუკიდებლად არ შეუძლია, ზიანი მიაყენოს ირანის ბირთვულ პროგრამას. ამისათვის ამერიკის დახმარებაა საჭირო. ბარაკ ობამა კი ამ შემთხვევაში განსაკუთრებულ სიფრთხილეს და დაკვირვებას გამოიჩენს, ვინაიდან თითოეულ ნაბიჯს მის ხელახლა პრეზიდენტად არჩევაზე აქვს გავლენა. საპრეზიდენტო არჩევნები ამერიკაში 6 ნოემბერს გაიმართება. მისამ მეთქვე მიტ რომნიმ კი უკვე გამოთქვა მზადყოფნა, პრეზიდენტად არჩევის შემთხვევაში მხარი დაუჭიროს ირანზე დარტყმას. ცხადია, თუ ბირთვული იარაღის შექმნის საფრთხე რეალური გახდება.

ადენში იემენელი გენერალი მოკლეს

დღეს იემენის სამხრეთ სარდლობის ხელმძღვანელი, გენერალ-მაიორი სალემ ალი ქათნი სამხრეთის საპორტო ქალაქ ადენში მოკლეს. რამდენიმე დღის წინ იემენის მთავრობამ გამოაცხადა, რომ წარმატებით აიღეს "ალ კაიდას" მესამე დასაყრდენი პუნქტი, საპორტო ქალაქი შუკრა. დღეს დღითივე გენერალი სამსახურში მიდიოდა, როდესაც თვითმკვლელობის აქტის მსხვერპლი გახდა. გავრცელებული ინფორმაციით, თავდამსხმელი სომალელი იყო. ერთი წლის წინ "ალ კაიდას" და მისმა მოკავშირემ "ან-სარ ალ-შარიათ" ქვეყნის სამხრეთით მყარი დასაყრდენი შეიქმნეს. ცოტა ხნის წინ ქვეყნის მთავრობამ გამოაცხადა, რომ სამთავრობო ძალებმა ტერორისტული ორგანიზაციების წინააღმდეგ წარმატებული ოპერაცია განახორციელეს და მათ მიერ დაკავებული ქალაქები გაათავისუფლეს.

მომზადდა თამთა კახაძემ

მუჰამედ მურსი გამარჯვებულად გამოაცხადეს

პანარაბული მოძრაობა "მუსლიმანი ძმების" წარმომადგენელმა განაცხადა, რომ ეგვიპტის საპრეზიდენტო არჩევნების მეორე ტურში მათი პოლიტიკური ფრთის "თავისუფლების და სამართლიანობის პარტიის" კანდიდატმა მოჰამედ მურსიმ გაიმარჯვა. გასულ უქმეებზე გამართულ საპრეზიდენტო არჩევნების მეორე ტურში მურსის მეტოქე ქვეყნის ყოფილი პრემიერ-მინისტრი აჰმედ შაფიკი იყო. "ძმები მუსლიმების" ინფორ-

მაციით, მურსიმ ხმების 52 პროცენტი მიიღო, მისმა მეტოქემ - 48 პროცენტი. შაფიკის შტაბ-ბინის თანამშრომელმა კი განაცხადა, რომ ისინი ამ შედეგებს საბოლოოდ არ მიიჩნევენ და არც დამარცხებას აღიარებენ. საპრეზიდენტო არჩევნების მეორე ტურის ოფიციალური შედეგები 21 ივნისამდე უნდა გახდეს ცნობილი.

"24 საათი" უკვე წერდა, რომ არჩევნებამდე ორი დღით ადრე ქვეყნის უზენაესმა სასამართლომ

საპარლამენტო არჩევნები არაკონსტიტუციურად სცნო, ხოლო შაბათს შეიარაღებული ძალების უმაღლესმა სამხედრო საბჭომ პარლამენტის ქვედა პალატა დაიითხოვა. კვირას, გვიან საღამოს სამხედრო საბჭომ ახალი პარლამენტის არჩევამდე თავის თავზე აიღო საკანონმდებლო ფუნქციები. რეფერენდუმის გზით ახალი კონსტიტუციის მიღებამდე ახალი არჩევნები არ გაიმართება. ახალი ძირითადი კანონი სამ თვეში უნდა

იყოს მზად და საკონსტიტუციო კომისიის ფორმირებაც სამხედროებმა ითავეს. სამხედრო საბჭო ვეტოს უფლებას იტოვებს ახალი კონსტიტუციის იმ დებულებებზე, რომლებიც "ქვეყნის უმაღლეს ინტერესებს ეწინააღმდეგება." ამჟამად მოქმედ დროებით კონსტიტუციამ პრეზიდენტის უფლებამოვალეობები განწერილი არ არის, რადგან კონსტიტუციის მიღება საპრეზიდენტო არჩევნებამდე იგეგმებოდა.

მსოფლიოში ყველაზე ეფექტური მსახურავი-დაბრუნებელი

სადაც არსებობს სამუშაო, იქ არსებობს JCB.

TEGETA შპს "თეგეტა კონსტრუქციები" დ. აღმაშენებლის ხეივანი 80-123მ. ☎ 2244 744 (1211); (1203) info@jcb.ge; www.jcb.ge

A Product of Hard Work

პრემია "საბას" ფინალისტები

პირველი გვარდიონა



- ჯაბა ზარქუა, ვარმშტადური პარადოქსი (ბაკურ სულაკაურის გამომცემლობა)
- უჩა ზაქაშვილი, ხელით ნაქსოვი თოჯინები (საუნჯე)
- სანდრო ნავერიანი, არგენტინული პიტბული (სიესტა)
- გიორგი ოქროპირიძე, ლექსები (გამოცემა ავტორის ხარჯით)
- სალომე სულაბერიძე, ჰამალ (არეტი)
- ეკატერინე ტოგონიძე, ანესთეზია (საუნჯე)

წლის საუკეთესო თარგმანი

- მაია ბადრიძე, რობერტ მუზილის "უთვისებო კაცი", ნიგნი II (დიოგენე)
- ლევან ბერძენიშვილი, არისტოფანეს "კომედიები", ტომი IV (ლოგოს პრესი)
- ნათელა გავაშელი, ჩესლავ მილოშის "ისას დაბლობი" (ინტელექტი)
- ქეთი ქანთარია, ჰენრი დევიდ თორის "ჟოლდენი ანუ ტყეში ცხოვრება" (სიესტა)
- ბელა შალვაშვილი, ფირდოუსის "შაჰნამე" (ნეკერი)
- გივი შახნაზარი, ნაჰაპეტ ქუჩაკის "ას ერთი ჰაირენი" (ექსკლუზივი პრინტი)
- ხათუნა ცხადაძე, უმბერტო ეკოს "ვარდის სახელი" (დიოგენე)
- დავით ნერედიანი, იოჰან ვოლფგანგ გოეთეს "ფაუსტი" (ბაკურ სულაკაურის გამომცემლობა)

წლის საუკეთესო პიესა

- გურამ ბათიაშვილი, მოქმედი პირნი და შემსრულებლები (ლიტ. პალიტრა)
- ლაშა ბულაძე, ნავიგატორი (ბაკურ სულაკაურის გამომცემლობა)
- გურამ მეგრელიშვილი, ნალატივე ქმართა პირველადი დახმარებისა და მოლატე ცოლთა რეაბილიტაციის ცენტრი (დიოგენე)

წლის საუკეთესო ესსეისტიკა და დოკუმენტური პროზა

- რევაზ გაჩეჩილაძე, ჩემი მეოცე საუკუნე (ბაკურ სულაკაურის გამომცემლობა)
- ნოდარ გრიგალაშვილი, თანმდევი სული (ახალი საქართველო)
- გიორგი მაისურაძე, ჩაკეტილი საზოგადოება და მისი დარაჯები (ბაკურ სულაკაურის გამომცემლობა)
- დათო ქარდავა, ტალღებში საკითხავი (ბაკურ სულაკაურის გამომცემლობა)

წლის საუკეთესო ლიტერატურული კრიტიკა

- ივანე ამირხანაშვილი, თავისუფლების პარადოქსები (ინტელექტი)
- ლევან ბრეგაძე, ლიტერატურული (გამო)ძიებანი (არტანუჯი)
- მაკო ჯანჯიბუბაშვილი, მითის პოეტური ტრანსფორმაცია გრიგოლ რობაქიძის შემოქმედებაში (წყაროსთვალა)

პირველი გვარდიონა

ანუ მსოფლიო კულტურული მემკვიდრეობის ძეგლებიდან ამომავალი საფრთხის ქვეშ მყოფ ძეგლებს შორის ჩანერეს. ამ აქტთან ერთად, საქართველოსგან მოითხოვეს სარესტავრაციო სამუშაოების დაუყოვნებლივ შეჩერება. რა მოხდა წელიწად-ნახევარში, უცნობია. ფაქტია, რომ სამუშაოები გაგრძელდა. მორიგი მონიტორინგის შემდეგ მივიღეთ უკვე ზემოხსენებული განცხადება. აღნიშნული განცხადება მოიაზრება, როგორც ძეგლის მსოფლიო მემკვიდრეობის სტატუსის საერთოდ ჩამორთმევის ნიშანია. ბუნებრივია, როდესაც ინსტიტუციის ხელმძღვანელობა აღნიშნავს, რომ ძეგლს ავთენტურობა აღარ აქვს, ის მის "შებრალებას" ნამდვილად აღარ ეცდება.

ეს რამდენიმე დღეა, განცხადებებს განცხადებები მოსდევს. ერთი მხრივ, მედია შფოთავს, სკეპტიკურად განწყობილი ხელოვნების თეორეტიკოსების აზრიც აქტუალური გახდა. კულტურის პოლიტიკის მმართველი უწყებები იუნესკოსადმი ირონიულ-კრიტიკული განცხადებებით გვამახსოვრებენ თავს. ამას მოჰყვა საპატრიარქოს საკმაოდ დამბნეველი განცხადებებიც, სადაც თავში წერია, რომ სარესტავრაციო პროექტი საპატრიარქოსთან შეუთანხმებელი იყო, ბოლოსკენ კი იქვე ტექსტში ირკვევა, რომ ყველაფერი შეთანხმებული იყო, ლიფტისა და დასავლეთი მკლავში მიმდინარე სამუშაოების გარდა. ნიკოლოზ ვაჩიშვილის ბოლო განცხადება სამომავლოდ დაგეგმილი მოლაპარაკებების შესახებ მნიშვნელოვანია მათთვის, ვისაც ბაგრატიის შენება ახალ ამბად წარმოუდგენია და ცოტა ინფანტილურია მისთვის, ვინც წლების განმავლობაში ადევნებდა თვალს პროცესს. წლების განმავლობაში. თუკი ბაგრატის ტაძრის რესტავრაციის მასშტაბს გავიზარებთ, რომლის მხოლოდ მცირე ნაწილი ეფუძნება არსებული სხეულის სკანირებით გაკეთებულ დასკვნებს და არცთუ სრულყოფილ თეორიულ ცოდნას თავდაპირველი ტაძრის შესახებ, მივხვდებით, რომ საპატრიარქოსთან შეუთანხმებელი ვერ იქნებოდა ის, რაც წლების განმავლობაში ხორციელდება და ის, რასაც მეცნიერები და იუნესკო აპროტესტებენ. აპროტესტებენ კი შემდეგს: 1. ავთენტურობა ვერ ნარჩუნდება ძველი სხეულის მხოლოდ როგორც ფუტლარის გამოყენებით. თუკი დამლი, ააშენებ ახალ სხეულს და შემდეგ ძველი შენობა, მიიღებ ახალს, რომელიც მოკაზმულია ძველი პერანგით; 2. რესტავრაცია მასშტაბურად შეეხო სხეულს, რომლითაც 1994 წელს მიიღო იუნესკომ; 3. მიმდინარეობს ისეთი პროცესები, რომლებიც ემსახურება ნანგრევების ადგილას სრულფასოვანი კედლების აღმართვას, გადახურვას, ახალ გუმბათს - მეცნიერები ფიქრობენ, რომ არ არსებობს არანაირი საფუძველი იმისა, რომ ტაძარი ზუსტად ისეთივე იქნება, თუმცა ისეთივე რომც იყოს, ის ვერ იქნება ბაგრატის მიერ აგებული საკათედრო ტაძარი. იქნება ახალი ტაძარი.

აი, აქ კი უკვე იდეოლოგიურ-მენტალური კონფლიქტია და არა მეთოდოლოგიური. ერთი მხრივ, საკითხი ეხება კითხვას: ახლად აშენებული ტაძარი უფრო მეტია, ვიდრე ძველის ნანგრევები? მეორე მხრივ, ეს არის რწმენისა და კულტურის კრიზისი და მათი პრიმიტიული გაგება. ამას გარდა, ჩნდება აზრი, რომ ეს არის ხელი-სუფლებისა და ეკლესიის ურთიერთ-პრეტენზიებისა და ძალაუფლების გადანაწილების საკითხი; და ბოლოს, საზოგადოების გარკვეული ნაწილისთვის ეს ყველაფერი ისტორიაში კვალის დატოვების უმარტივესი ლოგიკის მქონე ქმედებაა.

2004 წლიდან დაიწყო საუბარი ტაძრის რესტავრაციასთან დაკავშირებით. იუნესკომ 2006 წელსვე მო-

ლიფტი მხოლოდ წვრილმანი



ითხოვა პროექტი. საქართველომ მასალის გადაგზავნა 2011 წლამდე გადადო. ამიტომაც ალოგიკურია მსოფლიო კულტურული მემკვიდრეობის დაცვის ფონდის დადანიშნულმა ინერტულობასა და ჩაურევლობაში. 2011 წელს რაც მოხდა, ამაზე სულ თავში გაიბნეო. რა ხდება დღეს, უჩემოდაც გასაგებია. ამ ყველაფერს იმიტომ ვყვები, რომ ცხადი გახდება პროცესი, სადაც ყველაფერი ყველასათვის ცნობილი გახლდათ და თუკი უცნობი იყო, თავისუფლად შეეძლოთ, აქამდე მოკითხათ ბაგრატის ბედი. თუკი ამას ახერხებდა "24 საათი", რა სირთულე იქნებოდა სხვისთვის? არანაირი. უბრალოდ, დღეს საუბარი იმაზე, რომ ვილაყამ, მით უფრო, ხელისუფლებამ ან მისმა რომელიმე ინსტანციამ შეცდომაში შეიყვანა სხვა, ანდა ნიკოლოზ ვაჩიშვილის სააგენტოს მტრად შერაცხვა უბრალოდ მანერვია. ნიკოლოზ ვაჩიშვილი თავისი უწყებით მხოლოდ მედიატორია. მოლაპარაკებელი სახელმწიფოსა და საპატრიარქოს შორის. პრობლემა მოლაპარაკებების არსშია და არა სხვაგან. მით უფრო, ლიფტში, რომელიც ყველაზე ზედაპირული პრობლემა პრობლემების უზარმაზარ ჯაჭვში.

ბაგრატის აღდგენა სხვადასხვა მიზეზების გამო საინტერესო და ეფექტური მოვლენა იქნება როგორც ხელისუფლებისთვის, ისე მართლმადიდებელი ეკლესიისთვის. რატომ? იცით, მაგრამ სხვისგან გაგონილი გირჩევნიათ, ამიტომაც შევეცდები...

როცა შენდება ახალი არქიტექტურული ძეგლი, რიგით ადამიანს უჩნდება სრულიად ადვილად გასაგებია იმისა, რომ მისი თანამედროვე საზოგადოება მასთან ერთად რაღაც ახალს ტოვებს ამ ქვეყანაში. ამას ლიტერატურულ-მეტაფორულად ისტორიის წერას ვუწოდებთ ხოლმე. დიას, ასეა. მონუმენტურ ხელოვნებას პოლიტიკურ-ისტორიული კონტექსტი ახლავს და ეს კონტექსტი თანამედროვე საქართველოში აჩქარებული შენების გამო ისე მძაფრად იგრძნობა, როგორც არასადროს. მაგრამ მაშინ, როდესაც ვეხებით წარსულიდან შემორჩენილ ძეგლებს და ეს შეხება ხდება არა მხოლოდ დაცვის მიზნით (წარსულის მოვლისა და პატივის მიცემის მიზნით), არამედ მისი აღდგენისა და რეკონსტრუქციის მიზნით, მაშინ ნუ გვეწყინება, თუკი ვიტყვი, რომ ამ პროცესს ისტორიის გადაწერის პროცესი ჰქვია და ჩვენი "მე"-ს იქ დაფიქსირების, სადაც ჩვენი ადგილი არ იყო, მაგრამ დროში მოგზაურობისა თუ სხვა ინტერესების გამო რაცინაირად ვახერხებთ ხოლმე, რომ შევადგინოთ. ანდა ვახერხებთ შექმნა ილუზია, რომ შევადგინეთ და გავუთანაბრდით, რაც აპრიორი შეცდომაა - წარსულს გინდ გაუთანაბრდი, გინდ არა. რისთვის, თორემ კი...

ბაგრატის ტაძარს არ გაუმართლა. ჩვენ, რომლებსაც ასე გვიყვარს სიმბოლოები და ხატებები, რომელთაც ჩვენს ლოგიკურსა და ალოგიკურ საქციელს ვაბრალებთ, კარგად გვახსოვს, რომ ეს ტაძარი გაერთიანებული საქართველოს სიმბოლოა. საზოგადოების გარკვეული ნაწილი ფიქრობს, რომ დანგრეული

ბაგრატი სწორედ ამიტომ გახდა ხელისუფლებისთვის მძიმედ ასატანი. "ვერ ვაერთიანებთ ამ ეტაპზე ქვეყანას, გავაერთიანებთ ბაგრატს!" თუმცა ასე მარტივად რომ იყოს საქმე, კარგი იქნებოდა ბაგრატის ტაძრის ნაშთებისათვის, მას გავლენიანი ქომაგი ეყოლებოდა - საპატრიარქოს სახით.

2009 წლის ინაუგურაციაზე საქართველოს პრეზიდენტმა არა მხოლოდ ტაძრის აღდგენის ფიცი დადო, არამედ საქართველოს მართლმადიდებელი ეკლესიის ხელმძღვანელებს მისცა პირობა, რომ მისი პრეზიდენტობის ხელმოწერა ვადაში ბაგრატი აღდგებოდა. მიცემული პირობა ამ საქმეში ცალმხრივ ინტერესს თავისთავად გამოიქცავს და მას შემდეგ ეჭვის შეტანა იმაში, რომ ეს პროექტი ერისა და ბერის ხელმძღვანელებისთვის ერთნაირად საინტერესოა, უბრალოდ გულუბრყვილობა ანდა შეგნებული სიბრმავე-საქართველოს მართლმადიდებელი ეკლესიის ამ ძეგლთან, და არა მხოლოდ მასთან, მიმართებაში ხშირად გამოუხატავს პოზიცია, რომელშიც ყოველთვის ჩანდა, რომ კულტურული მემკვიდრეობის დაცვაზე უპირატესი არის ამ თუ სხვა ძეგლის, როგორც ფუნქციონირებადი ტაძრის, აღდგენა. სხვაგვარად მის მფლობელობაში არსებული უნიკალური არქიტექტურული ძეგლები მნიშვნელობას კარგავენ. პრობლემა უმთავრესად აქ ღვივს. ბაგრატი ისეთი, როგორც იუნესკომ 1994 წელს შეიყვანა მსოფლიო კულტურული მემკვიდრეობის ძეგლთა წუსხაში, რომ ყოველიც მისაღები არა მხოლოდ როგორც კულტურული მემკვიდრეობის სრულიად გამორჩეული ნიმუში, არამედ როგორც სიმნიშვნელოვანი, მაშინ ვერც ერთი პრეზიდენტი და ვერც ერთი სააგენტო ვერ შეეხებოდა მის ავთენტურობას. ავთენტურობას უპირისპირდება თანამედროვე მრეკლის ხედავ "უფლის სადიდებლად სრულქმნილი ტაძარი!" და აქვე მაგონდება ნიკოლოზ ვაჩიშვილის ჩემთვის გაკეთებული კომენტარი, ჩემსავე კენესაზე "ვაითუ, ამოგვშალონ, - "თუ ამოგვშლიან, ჩვენ მზად ვართ, გარკვეული მსხვერპლი გავიღოთ." აი, აქ თავს დაავანებთ პროფესიულ პოზიციას და ქართველ ქრისტიან-მართლმადიდებელისთვის ადრე თუ გვიან აუცილებლად წარმოსთაქმელ რიტორიკულ კითხვებს დავსვამ: რა მნიშვნელობა აქვს, სად მოხდება მორწმუნოს მიერ უფლის დიდება? ითხოვს კი ჩვენი რწმენა მსხვერპლ-შენიშვნებს? გვაქვს კი საამისო მაგალითები? განა უფლის დიდება პომპეზური და ამბიციური პროექტებით გამოიხატება? სად არის ამ პროცესებში ქრისტიანული თავმდაბლობა და სისადავე, შეიძლება უფლის დიდება მათ გარეშე? ამკარად სხვაგან წავიდე... მაგრამ ამ კითხვებზე ჩემთვის არცთუ სასიამოვნო პასუხი ერთ-ერთ შაბათს სვეტიცხოველში მივიღე. ფართო საზოგადოებისთვის ბაგრატი მნიშვნელობით გაუთვალისწინებელია. ეს ფართო საზოგადოება ამ ტაძარს არ აღიქვამს მხოლოდ როგორც სიმნიშვნელოვან და მნიშვნელოვან ძეგლს. ეს რაღაც მეტია. მთავარი დიდი რიტუ-

ალების ადგილი. რიტუალი კი ერთიორად მნიშვნელოვანი ხდება იქ, "განსაკუთრებულ ტაძარში". იქ ნებისმიერ 10 წუთში (განსაკუთრებით, მარხვის წინა პერიოდში) ტაძარში პარალელურად რამდენიმე ნათლობა და რამდენიმე ჯვრისწერა მიმდინარეობს. ხმაურში, სირბილში, კამათში, და მაინც. ამ 10 წუთში იქ მოძრავი მოხივები საზოგადოება ტაძარში საშუალოდ 2000 ლარზე მეტს ტოვებს. დაუბეგრავს, დამატებით შემოსავლად. ტოვებს და ხმაურითვე გადის... ეს არ ხდება და ვერ ხდება ბაგრატის ძეგლის ნანგრევებთან. ნანგრევები ინტერესებთ მლოცველებს, ლარობ ახალგაზრდა ტურისტებს და მეცნიერებს. ისინი კი, გინდა თუ არა ეს ჩვენ, ძალიან ცოტანი არიან და თანაც ძალიან ცოტას იხდიან.

მაშინ ბაგრატის სხეულის ნაშთებს უკვე ჰქონდა რესტავრაციის ხელი შევლებული. თუმცა ჩარევა იყო მინიმალური, ადგილზე არსებული მასალის შენარჩუნებით. ნაგებობის კამარების შეკვრისა და გადახურვის სურვილი, სავარაუდოდ, მაშინაც იარსებებდა, თუმცა იმპროვიზაციებისთვის შესაბამისი ვამბედაობა არ გამოუვლენიათ. მაშინაც კი, როდესაც ამდენად აქტუალური არ იყო მსოფლიოში კონსერვაციის მეთოდი და რესტავრაციის ხშირად მიმართავდნენ, რადიკალური რესტავრაციის იდეა არ ჩამოყალიბებულა.

ის, რომ თანამედროვე ქართული საეკლესიო არქიტექტურა ისეთ ცნებებზე დაშენებული, როგორც არის სიმრავლე, სიდიდე, ეფექტურობა, ამაზე მიუთითებს ბოლო ორი ათწლეულის საეკლესიო მშენებლობები. ერთი მხრივ, ყველა ეზოსა და კორპუსთან ამოზრდილი მცირე ეკლესია, მეორე მხრივ, დიდი სამების საკათედრო ტაძარი. რომლის შესახებაც მისი გახსნის დღეს ზუსტად ამ გაზეთში ვწერდი. ორიენტირება მასშტაბზე, ამ დროს გარემოს მასშტაბის თავისებურებების უგულვებლყოფა, ისეთი ინტერიერის შექმნა, სადაც ფუფუნება და მრავალფეროვნება მოგვჭრის თვალს და, ამავდროულად, ძველი ქართული შუასაუკუნოვანი ხუროთმოძღვრების დეტალების ეკლექტურ-უსიციოცხლო გადმოწერა ახალ ნაგებობაზე არა მხოლოდ წინააღმდეგობაში მოდიოდა და მოდის საზოგადოების ეკონომიკურ-მენტალურ მდგომარეობასთან, არამედ ქართული კულტურის და სახვითი ხელოვნების იმ ტრადიციასთან, რომლის გარეშეც ბაგრატის ეპოქაში ვერ დაგვედგომება და, წესით, არც მის კვალს უნდა შევხებოდით ასერიგად დიდი ამბიციებით. ალბათ ისიც უნდა მოვიფიქრო, რომ აღნიშნული ტაძარის მთავარი ქტიტორი ბიძინა ივანიშვილია. განაპირობებს თუ არა ეს სხვა გრანდიოზული შენების მის გარეშე წამოწყების აუცილებლობას არ ვიცი. მე უბრალოდ ფაქტი გავიხსენებ. ფაქტი რომელიც მხოლოდ იმაში მარწმუნებს, რომ ამ ქვეყანაში განსხვავებული მხარეების მსგავსებებზე ლაპარაკი უფრო ლოგიკურია, ვიდრე განსხვავებებზე. მაგრამ ეს სულ სხვა სტატიის თემაა.

რაც შეეხება ხელისუფლების იმ ნებასა და ვნებას ბაგრატიან მიმართებაში, რომელზეც ამ დღეებში ბევრი ითქვა. ეს ის ვნებაა, რომლითაც ცოცხლობს პროცესი სხვა ნებისმიერ სივრცეში - შენების, შეკეთების, დასრულებისა და გამოვლინების. ვნება, რომელიც ვერ უძლებს თავისუფალ სივრცეს. კვალის დატოვების ვნება. უბრალოდ, ვნება მატულობს ბაგრატის ტაძრის მნიშვნელობისა და თუნდაც თავდაპირველი პოლიტიკურ-ისტორიული როლის გამო. მაგრამ რაკი ეს არის ხელი-სუფლება, რომელიც ეთნიკური და რელიგიური მრავალფეროვნების მქონე საქართველოს აღიარებს, რთულია, მიმდინარე პროცესები ჩემ მიერ მრავალგზის ნახსენებ ვნებას მივანერო მხოლოდ.

ქალური ღობიკა - ფეხბურთელები სპერმატოზოიდები არიან, ბურთი - კვირსხუჭრედი

მოდრობა FEMEN-ის აქტივისტი ალექსანდრა შევჩენკო ერთ-ერთი რუსული გამოცემისთვის მიცემულ ინტერვიუში ფეხბურთელებს სპერმატოზოიდებად მოიხსენიებს, ბურთს კი - კვირსხუჭრედ. მისი აზრით, ფეხბურთი სულელური თამაშია, ევრო 2012 და სექს ინდუსტრია კი ერთმანეთზეა გადაჯაჭვული. შევჩენკომ იმაზეც ისაუბრა, თუ როგორ მოიტაცეს ორგანიზაციის წარმომადგენლები ბელარუსში (FEMEN-ის ოფისი კიევის ცენტრში მდებარეობს).

- პირადად თქვენ თუ ხართ სპორტით დაკავებული?

- არასერიოზულად. თანაც, არც ისე დიდი წარმატებები მაქვს, თუმცა, ვცდილობ.

- მილიციას ჯერ არ შეუწუხებია ხართ?

- არა. ჯერ არ იცინა ჩვენი ახალი ოფისის შესახებ. სულ ერთი თვეა, რაც აქ გადმოვედით.

- შესაძლებელია თუ არა FEMEN-ის ოფისის გახსნა რუსეთში?

- არა მგონია. რუსეთში ახლა ირანზე უარესი მდგომარეობაა.

- თქვენი ორგანიზაციის მიზანი...

- ფემინისტური რევოლუცია.

- როგორ აპირებთ ამ რევოლუციის მოწყობას?

- ღმერთმა უწყის.

- მაინც?

- შეიძლება სისხლით, შესაძლოა, მშვიდობიანი გზით. ყველაზე კარგი ვარიანტი კი შიშველი დაპირისპირებაა მამაკაცებსა და ქალებს შორის.

- რატომ აირჩიეთ პროტესტის ასეთი ფორმა?

- თავიდან გახდა არც ვაპირებდით. მერე კი, როცა ვნახეთ, თუ რა ხდებოდა 2012 წლის არჩევნებში, აქტიურ ქმედებაზე გადავედით. გადავწყვიტეთ, რომ გახდა აუცილებელია. საერთოდ, შიშველი ქალი თავისუფალ ქალს ნიშნავს. უკრაინაში ჩვენ შეგვიძლია შიშველი პროტესტის გამოსატანა. რუსეთში კი ამის გამო 12-დღიანი პატიმრობა გველის. ახლა რამდენიმე ათასდღოლიანი ჯარიმაც დაამატეს. იდენტური კანონია.

- გაირკვა, რომ უცხოელი მიმდევრებიც გყავთ.

- ერთი გოგონა საფრანგეთიდან ჩამოვიდა, ერთიც - კანადიდან. სულ მალე ბრაზილიელიც დაგვემატება.

- ევროპის ჩემპიონატმა რა დაგიშავათ?

- მსხვილ სპორტულ ღონისძიებებს ლუდის კომპანიები აფინანსებენ. ამ კომპანიების მიზანი ხალხის გალოთებაა. ამას ემატება სექს ინდუსტრია. 2006 წლის მუნდიალის დანაშაულის წინ გერმანიაში პროსტიტუციის ლეგალიზება მოხდა. ყვე-



FEMEN

ლამ კარგად იცის, რომ უკრაინაში ევრო 2012-ის პერიოდში სექს ტურიზმი გაძლიერდება. მაგალითისთვის შორს წასვლა არ არის საჭირო. კიევში, სტადიონის გვერდით, მამაკაცებისთვის განკუთვნილი ათეულობით კლუბი გაიხსნა. ეს კლუბები ბორდელბის ფუნციას ასრულებენ. მათ მილიცია მფარველობს.

- მეორე მხრივ, ევრო 2012 უკრაინას დიდ შემოსავალს მოუტანს.

- რა შემოსავალზეა საუბარი? ჯერ კიდევ მარტში იანუკოვიჩმა განაცხადა, რომ ევრო 2012 თავის თავსაც ვერ ამოიღებს.

- მართლა გვგონია, რომ ასეთი აქციების გამო რომელიმე კლუბი დაიხურება?

- რა თქმა უნდა. იმის გამო, რომ ჩვენ თასი პოსტამენტებიდან ჩამოვადგეთ, ბორდელელები არ დახურულა. თუმცა, გარკვეულ შემდეგ მაინც მივალნივით. მაგალითად, ფეხბურთის ბევრი მწერს, რომ, უბრალოდ, ფეხბურთის საყურებლად არის ჩამოსული და სულ არ უნდა უკრაინელ ქალებთან სექსი. იცით, ჩვენი უკვე უფასვაც ემინია. ამას წინათ პოლონეთში ჩავედით

და იქ ჩვენი ფოტოები ყველა პოლიციელს ჰქონდა. გვეძებდნენ, მაგრამ ვერაფერს გახდნენ. წარმოიდგინეთ ხუთი გოგო და მათ წინააღმდეგ "მენტების" პოლიცია. "მენტებს" ჩვენი ქუჩების ემინიათ.

- რატომ?

- აზროვნება აქეთ პატრიარქალური. სურთ, ქალების სექსუალობა გააკონტროლონ. მიანაირთ, რომ ქალის ადგილი სამზარეულოში და საწოლშია. ჩვენთან სამართლდამცავ ორგანოებში მამაკაცთა რაოდენობა ქალთა რაოდენობაზე 99-ჯერ მეტია. ევროპაში სექსუალური რევოლუცია 40 წლის წინ მოხდა, რუსეთში უკრაინასა და ბელარუსში კი ჯერ არ მომხდარა.

- თუმცა, ძნელია იმის წარმოდგენა, რომ სამართალდამცავ ორგანოებში ქალები და მამაკაცები თანაბარი რაოდენობით იმუშავენ.

- ჩემთვის ამის წარმოდგენა ძნელი არ არის. მაგალითისთვის ისრაელიც კმარა, სადაც ქალები ჯარში მსახურობენ.

- ფეხბურთი რატომ არ მოგწონთ?

- სულელური თამაშია. სპერმატოზოიდები კვირსხუჭრედს დასდევენ, რათა

გაანაყოფიერონ.

- თქვენ უკვე მთელი აღმოსავლეთი ევროპა გიცნობთ. როგორ ახერხებთ აქციების გამართვას?

- მართალი ბრძანდებით. უკვე გაჭირდა. აქციებისთვის ძალიან სერიოზულად ვემზადებით. ვცდილობთ შევინიღოთ. პოლონეთში თეთრი-ნივთიანი ქუდები გვეხურა. თანაც, ნაცნობ ჟურნალისტებთან და ფოტოკორესპონდენტებთან ერთად დავდივართ, ვითომ ისინი ჩვენი მეგობარი მამაკაცები არიან.

- თქვენი აქციები ყოველწლიურად მატულობს. სულ მალე კიევი ალბათ სიმპათიურ გოგონებს საბურთებს შეუმინძღვებს.

- ასეთი რამ ვატიკანში მოხდა. ჩვენ გვეგონა, რომ იტალიაში არაფერი გვიცნობდა. ვაპირებდით მონაზვნის გამჭვირვალე ტანსაცმლის ჩაცმას, თუმცა, ბოლო მომენტში მაინც ვინსები ვამჯობინეთ. პოლიცია ჩვენი აქციისთვის მზად იყო. ჩვენ სამინ ვიყავით. ჩემი თანამზრახველები დააკავეს, მე კი გაიპარე.

- რა მოხდა ბელარუსში 2011 წელს?

- სუკის წინ ჩვენი გოგონები აქციას მართავდნენ. შენობიდან რამდენიმე მამაკაცი გამოვიარდა და ჟურნალისტებს ფოტო და ვიდეომასალა წაართვა. ჩვენდა გასაკვირად, გოგონებს ხელი არავინ ახლო. საღამოს, როცა გოგონები შინ ბრუნდებოდნენ, სადგურში მათ სამოქალაქო ტანსაცმელში გამოწყობილი ათი მამაკაცი დაესხა თავს. გოგონები ავტობუსში ჩატენეს და გაურკვეველი მიმართულებით წაიყვანეს. მთელი ღამე დაკითხვას უწყობდნენ. შემდეგ თვალები აუხვიეს და უთხრეს, რომ მოკლავდნენ. გოგონები ტყვენი წაიყვანეს და საშინლად მოექცნენ, უბრძანეს, ტანზე გაეხადათ, შემდეგ კი საჯდომზე ჯოხებით სცემეს. ბოლოს უკრაინის საზღვართან დატოვეს. ფული და საბურთები წაართვეს, მხოლოდ ტანსაცმელი დაუტოვეს.

- უკრაინის ხელისუფლებას რა რეაქცია ჰქონდა?

- არავითარი.

- მილიციელები თქვენ "შებმას" არ ცდილობენ?

- როგორ არა. ამას შეგვეულები ვართ.

- FEMEN პოპულარობის პიკშია. გოგონები თქვენთან უბრალოდ მოდის გამო ხომ არ მოდიან?

- არა. ყველამ იცის, რომ ჩვენი აქციები გარკვეულწილად დივერსიებია.

- აქციებს პოლონეთში, საფრანგეთში, იტალიაშიც კი მართავთ. სად შოულობთ საამისო ფულს?

- ჩვენი ატრიბუტიკას ვყიდით. ეს შემოსავლის კარგი წყაროა.

- ნუთუ ამით ბევრის შოვნა შეიძლება?

- ჩვენ გვეყოფნის. ქველმოქმედებაც გვებმარებია.

- გამოდის, რომ ერთი მფარველი და სერიოზული სპონსორი არ გყავთ.

- არა. ჩვენთან უკრაინაში არსებული ყველა პარტიის წარმომადგენელი მოსულა. მფარველობასაც გვპირდებიან, მაგრამ ჩვენ არ ვიყიდებით.

- როგორც ჩანს, არც ერთი უკრაინული პარტია არ მოგწონთ.

- არც ერთი. ერთ დროს ჩვენც ვფიქრობდით პარტიად ჩამოყალიბებას. ახლა ასეთი მიზანი აღარ გვაქვს.

- თქვენი აქტივისტი გოგონების მეგობარი მამაკაცები როგორ უყურებენ მათ საქმიანობას?

- თუ ჩვენს აქტივისტს მეგობარი მამაკაცი ჰყავს, ის FEMEN-ს დადებითად უყურებს.

- ალბათ ისეთებაც იყვნენ, ვინც თქვენს იდეებს არ იზიარებდა.

- იყვნენ. ყოფილა შემთხვევა, რომ გოგონა ბიჭის გამო ჩვენგან წასულა. ყოფილა პირიქითაც.

ლებრონი გაიზარდა

ალექსანდრა ასათიანი

"მაიაში" მაიაში 91:85 დასვა. ლებრონი ჯეიმსი, პირველად ლებრონი ჯეიმსის კარიერაში, ფინალში სანდო და მშვიდი იყო. ჩასაგდები ჩააგდო და რვიდან 6 საჯარიმო ათიანში გაუშვა. ლებრონი ბოლო წუთებში თითქმის ყველაფერს ასწრებდა. პატ რაილის ჯოკერმა დაცვაში რალაცები ვერ გამოიფრა და "მაიაში" ლებრონით დაჭრა, სისხლისგან დაცალა კე-ვინ დიურანის ახლობლები. სერიის მესამე გარჩევა საინტერესო იყო.

სერია ბევრს იტევს. ლებრონი და კე-ვინი პრივატულ გარჩევაში ბევრ პრობლემას აგვარებენ. პრობლემა იქვე, ამ ორის უბანში უნდა მოგვეარდეს, სხვისი გასარჩევი არ უნდა გახდეს. დუეინ უეიდი დროდადრო ძველი უეიდი და შედის დერეფნებში, სადაც სხვები კოჭებს იმტვრევენ, იღუნებიან. რასელ უესტბრუქი მატრიცაა. რასი არარეალურად ტეხავს შეინ ბეტის და არარეალურად იდიოტურ პას აყოლებს დიურანს. ან საერთოდ ვერ ხედავს გახსნილ კე-ვინს და აჭრილია.

"მაიაში" ორჯერ კარგი გაქცევა გააკეთა. დიურანი პერიმეტრიდან ცენტრამდე ამოაგდეს, კე-ვინი იზოლირებულია, სასროლზე ვერ გადის. კენდრიკ პერკინსმა პირველ სამ წუთში 5 მოხსნა დაიტყა და "ოკლაჰომა" მეორე ფაზაში მაინც ვერ იღებს ასაღებს. უესტბრუქმა ბევრი პოზიციური შეცდომა დაუშვა. "მაიაში" შეინ

ბეტის სამიანებით (2/2) დაისვენა და პროცესში, კრის ბომბა (10+11 მოხსნა) და დუეინ უეიდი (25+7 მოხსნა+7 პასი) ისე ირინეს "ოკლაჰომას" სამამიანში. ლებრონმა ჩააგდო ჰაკიმ ოლაჯუონის მოძრაობით, ლებრონმა ვერ გადაატენა სერჟ იბაკას და სერჟს იქვე გემოვნებით შეუსრულა. ლებრონმა რალაც მომენტში გააკეთა გასაკეთებელი და ბიჭმა დააგდო ტემპი, ბოლომდე გავიდა. იმ დროს ლებრონის ცოტას იგებდა და ლიდერმა ლიდერვით გააკეთა საქმე. ლებრონი რამდენიმე სროლით გაიზარდა.

სულ ბოლოს, ჯეიმსმა დაცვაში აიღო ასაღები. "მაიის" მიკე-ლე კორლეონემ თამაშიდან 23 სროლა გაუშვა. 11 ჩასვა. ლებრონი სტივ ნემი, ლარი ბერდი, ჯონ სტოქტონი იყო. ჯეიმსმა ჯეიმსის კარიერაში პირველი მნიშვნელოვანი, რთული თამაში გამოაძრო. **Fuck critics, I'm the MAN!**

ადრე, სუპერსერიების დროს, ჯეიმსი ბოლო წუთებზე პასიური მანდილოსანი იყო და ამის კომპენსირებას სერიოზული დაცვით ახერხებდა. ჯეიმსმა "ოკლაჰომასთან" დაცვაშიც მოაგვარა ყველაფერი და როცა უნდა ჩაეგდო, ჩააგდო. ლებრონი დიდი ბიჭია. იქვე დიურანი იდგა. კე-ვინმა პირველ გარჩევაში, ბოლო მეოთხედი 17 ქულით დახურა. "მაიაში" თითქმის დადგა და ჯეიმსმა სერია გააცოცხლა. შარშან, ფინალში "დალასთან", ლებრონმა და ბიჭებმა მეორე თამაშში 15-ქულიანი ფორა გაუშვეს. "დალასმა" სერია შემო-



ლებრონი ჯეიმსი ძალიან კარგი იყო

ატრიალა. ეს სერია "მაიაში" შემოატრიალა. ბოლო მეოთხედის დასაწყისში ფლორიდელი კარგი ბიჭები ცოტას იგებდნენ და ჯეიმსმა თავისი დერეფნები მონახა. "მაიაში" მოინდომა. თამაშის დატოვება მოინდომა და დიურანმა ბოლო სროლები ვერ ჩააგდო.

წინა თამაშის მოგების შემდეგ, მესამედ ამ ფლეი-ოფში "მაიაში" გაათანაბრა სერია. "ინდიანასთან" 1:2, "ბოსტონთან" 2:3 და ეს 48 წუთი "ოკლაჰომასთან". ჯეიმსი სამივე თამაშში არარეალურად კარგი იყო. ინდიანაპოლისში ლებრონმა 40 ქულა დააგროვა. ბოსტონში ლებრონი 45 ქულას და 12 მოხსნას კრავს. ოკლაჰომაში ლებრონმა 32 ქულა დააგროვა. ბოლო მოთამაშე, რომელმაც სერიაში უარყოფითი ბალანსის დროს, შემდეგ თამაშში (სამჯერ) 30 და მეტი ქულა აკრიფა, იყო დუეინ უეიდი. ექვსი წლის წინ. მაშინ "მაიაში" ჩემპიონი გახდა.

ლებრონი, პირველად ლებრონი ჯეიმსის კარიერაში, ფინალში სანდო და მშვიდი იყო. ჩასაგდები ჩააგდო და პატ რაილი დაამშვიდა. ლებრონი ბოლო წუთებში თითქმის ყველაფერს ასწრებდა. პატ რაილის ჯოკერმა დაცვაში რალაცები ვერ გამოიფრა და "მაიაში" ლებრონით დაჭრა, სისხლისგან დაცალა კე-ვინ დიურანის ახლობლები. სერიის მეორე გარჩევა საინტერესო იყო.

"მაიაში" 91:85 მოიგო. ლებრონი გაიზარდა და ეს ლებრონი ბევრ პრობლემას აგვარებს. ლებრონმა ყველაზე რთული, ლებრონი ჯეიმსის პრობლემა მოაგვარა.

ხულიგნობის გამო წაგებული ფინალი

როგორ შეიძლება დამარცხდეს ჩოგბურთელი ერთ კონკრეტულ თამაშში? პირველი ვარიანტი უბრალოდ მარცხია, როდესაც მეტოქე უკეთ თამაშობს, მეორე მატჩისას ტრავმის მიღება და დანებება. სწორედ ამ ორ ვარიანტს ვიცნობთ ყველაზე კარგად, თუმცა, ყოფილა მესამეც - ხულიგნობის გამო ტექნიკური მარცხი. ასეთი რამ ჩოგბურთში არც ისე ხშირად ხდება. შესაძლოა, აქამდე არც მომხდარა. ლონდონში, ATP Queen's Club-ის ფინალში, არგენტინელი დავიდ ნალბანდიანი სწორედ ხულიგნობის გამო გამოაჯანუცდა დამარცხებულად.

ნალბანდიანი ფინალში მარინ ჩილიჩის ეთამაშებოდა. პირველი სეტი არგენტინელმა ანგარიშით 7:6 მოიგო. მეორე სეტში, როდესაც ანგარიში 4:3 იყო ჩილიჩის სასარგებლოდ, ნალბანდიანს რალაცაზე ნერვები მოეშალა და სარეკლამო დაფას ფეხი ჩასცხო. დაფა ხაზის არბიტრის წინ იყო დამონტაჟებული. დაფის ნამსხვრევები და ნალბანდიანის მოქნილი ფეხი მსაჯს მოხვდა და სერიოზული ზიანი მიაყენა.

"ზოგჯერ კორტზე ემოციების კონტროლი შეუძლებელია. სანყენია, რომ ყველაფერი ასე დასრულდა. ჩოგბურთელებზე დიდი ზენოლა მოდის. ATP-ს წარმომადგენლები თავდაცვ ცდებიან. დღეს მე შევცდი. არ მეგონა, თუ ფინალში ასეთი რამ მოხდებოდა," - თქვა ნალბანდიანმა.

კომენტარი ჩილიჩმაც გააკეთა: "ასე მოგება არ მინდოდა. თუმცა, რა ჩემი ბრალია. ბოდიშს ვუხდით გულშემატივარს, რომ ყველაფერი ასე დასრულდა".

ბოდიში მხოლოდ ძაგოევმა მოიხადა

ევროპის პირველობაზე სრულიად უთავმოყვარეო გამოსვლის შემდეგ რუსეთის ეროვნული ნაკრები შინ დაბრუნდა. რუსთა ჰოლანდიელი თავკაცი დეი ადვოკატი ასევე შინ - ჰოლანდიაში გაემგზავრა.

ძნელი მისახვედრი არ არის, რომ რუსეთის ნაკრებს მოსკოვის აეროპორტში ოვაციით არ დახვდნენ. მეტიც, ეროვნული გუნდის დასახვედრად მხოლოდ შურნალისტები მივიდნენ. ფეხბურთელებმა მათაც არ დაუფასეს გარჯა - კომენტარზეც კი უარი უთხრეს. არადა, შურნალისტებმა ბევრი ინვალი, რომ ფეხბურთელები ენახათ. რუსეთის ნაკრების თვითმფრინავი "შერემეტიევის" აეროპორტში უნდა დამჯდარიყო. ამის ნაცვლად, ის დასვეს "ვენუკოვო 3"-ში, რომელიც მხოლოდ სპეცრეისებს იღებს (ეს ყველაფერი იმისთვის გაკეთდა, რომ ნაკრები შურნალისტებისგან დაემალათ).

შურნალისტებთან ურთიერთობა მხოლოდ ალან ძაგოევმა იკაძრა: "პირველი რიგში, მადლობა იმ გულშემატივარს, ვინც პოლონეთში გვიჩქერდა მხარს. ვცდილობდით, მაქსიმუმი გაგვეკეთებინა. საბერძნეთთან მატჩში გოლი გავუშვით. შემდეგ მეტოქე ყრუ დაცვას თამაშობდა. ჩვენგან მეტს ელოდნენ. სანყენია, რომ იმედი გავიცრუეთ".

რუსული მედია ნაკრების მარცხს დიდ დროს და ადგილს უთმობს. ვრცელდება ახალ-ახალი ინფორმაციები. არშავინსა და გულშემატივარებს შორის მომხდარი ინციდენტი უკვე ყველასთვის კარგადაა ცნობილი.

სასტუმროში მომხდარი ინციდენტის დროს არშავინმა გულშემატივარს უთხრა: "ის, რომ გულშემატივარის იმედი ვერ გავამართლეთ, ეს ჩვენი პრობლემა არ არის. ეს თქვენი პრობლემაა. როცა დუმაში ვიქნები, მაშინ ჩაგაბარებთ ანგარიშს. წავაგეთ იმიტომ, რომ ვერ გავიტანეთ. ბერძნებმა კი გაიტანეს. ახლა ლაპარაკით საქმეს ვერ უშველი".

ამ დღეებში ერთ-ერთ რუსულ ვებგვერდზე გავრცელდა ვიდეომასალა, რომელშიც ჩანს, თუ როგორ ტოვებს რუსეთის ნაკრები ფეხბურთელურ სასტუმრო "ბრისტოლს". ვიდეომასალაში ასევე კარგად ჩანს, რომ ზოგიერთი ფეხბურთელი სასტუმროში მეუღლესთან ერთად იყო, ზოგს კი პოლონეთში მთელი ოჯახი ჰყავდა წავანილი.

"რეინჯერსს" ფინანსური პრობლემები აქვს

"რეინჯერსი" სქოთური ფეხბურთის სახე, ყველაზე სოლიდური კლუბია. "სელტიკმა" მოიგო ევროპის ჩემპიონთა თასი (1967) და 43-ჯერ მოხსნა ლოკალური გარჩევების ჯეკპოტი. "რეინჯერსი" შოტლანდიის პირველზე 54-ჯერ გადის. კლუბმა 40 წლის წინ მოიგო უეფას თასი.

"რეინჯერსს" ფინანსური პრობლემები აქვს. ორგანიზაციამ სახელფასო დავალიანებების გამო ვერ გაიარა ლიცენზირება, ვერ წარადგინა აუცილებელი საბანკო გარანტიები, რის გამოც ვერ მოხვდა შოტლანდიის პრემიერლიგის მომავალ კალენდარში.

"რეინჯერსი" ეძებს სპონსორს. პრემიერლიგაში ვაკანტური ადგილი შეავსეს გუნდით Club 12, რომელიც შეიძლება გახდეს როგორც "რეინჯერსი", ისე ქვედა ლიგის რომელიმე წარმომადგენელი. ნებისმიერ შემთხვევაში, პირველ ტურში Club 12 სტუმრად "კილმარნოკს" ხვდება.

რა თქმა უნდა - ესპანეთი და იტალია!

პირველი გავრცელება

ესპანელთა ნახევარმცველმა ჩავიმ "სკუადრა ახურას" ქომაცები დაამშვიდა: "იტალია ჯგუფიდან გავა. ესპანური მენტალიტეტი შორსაა ფრეზე თამაშისგან. ჩვენ მოსაგებად ვიბრძობდით ხორვატიასთან, ისევე როგორც, ამას ვაკეთებდით სხვა მატჩებში. რაც შეეხება იტალიას, პრანდელის ხელში, მართლაც ბრწყინვალე ფორმაში არის. ის იმ გუნდს მაგონებს, 2006 წელს მუნდიალი რომ მოიგო"

ჯგუფში შექმნილ სატურნირო ვითარებაზე და ირლანდიასთან მატჩზე ჩეხარე პრანდელიმაც ილაპარაკა: "მგონია, რომ ესპანეთი თავის მატჩს მოიგებს. ირლანდიასთან თამაშზე უნდა ვიფიქროთ და სპეკულაციებს შევეშვათ. ჯოვანი ტრამატონის გუნდი ჩვენს მიმართ მონყალე არ იქნება, მათ ასევე გამარჯვება სურთ". აი, ასეთი ფორიაქი იყო თამაშების დაწყებამდე და როგორ დასრულდა ყველაფერი? დასრულდა იმით, რომ ესპანეთი და იტალია მეოთხედფინალში ითამაშებენ, ოღონდ საამისოდ ევროპული ფეხბურთის გრანდებს გვარიანი ბრძოლის გადახდა დასჭირდათ. ესპანელებმა ფეხბურთის გურმანებს აშკარად გაუცრუეს იმედი - ის თამაში ვერ აჩვენეს, რასაც მათგან ელოდნენ და ამაში "დამნაშავენი" ბილიჩის ბიჭები იყვნენ, 2:2 კი არა, ამ შეხვედრაში მხო-



ხესუს ნავასის საგოლე დარტყმა

ლოდ ერთი გოლი ვნახეთ და ისიც და შეცვლაზე შესული სესკ ფაბრეგასის ბრწყინვალე პასით, ინიესტას საგოლე გადაცემის და ხესუს ნავასის ცარიელი კარში გატანილი - თამაშის დასრულებამდე ორი ნუთით ადრე. ხორვატიამ ბოლომდე იბრძოლა, ეგ კი არა, მოედნის ცენტრიც არ დაუთმო ესპანე-

ლებს, მეორე ტაიმში ორი საგოლე მომენტიც შექმნა და "ფურია როხა" იკერ კასილასმა იხსნა. მაგრამ კლასმა და პასკომბინაციამ ესპანეთი პირველ ადგილზე დატოვა ჯგუფში.

იტალიამ 2:0 მოუგო ირლანდიას, პირველ ნახევარში კასანოს თავურს, მეორე ტაიმის მიწურულს მარინ ბალოტელის

გოლი მოჰყვა და ჯოვანი ტრამატონის ირლანდია უქულოდ წავიდა ევრო 2012-დან.

C ჯგუფი.

სლოვაკია - ესპანეთი

გოლები: 0:1 ნავასი (88)
იტალია - ირლანდია 2:0
გოლები: 1:0 კასანო (35), 2:0 ბალოტელი (90)

ახსოვსთუ მარცხი - ხუთი ოქრო

გიზა გურასაშვილი

ბუენოს აირესის "მსოფლიო თასის" მეორე და დასკვნითი დღე საქართველოს ძიუდოსტთა ნაკრებისთვის, პირველის მსგავსად, 100-პროცენტული შედეგით დასრულდა. ოთხ წონით კატეგორიაში (81, 90, 100, მძიმე) გათამაშებული მებრძოლებიდან სამს პეტერ ზაიზენბახერის შევირდები დაეპატრონენ (90 კგ-ის ვარდა, საქართველოს ნაკრები ყველა წონაში იყო წარმოდგენილი). მედლები კი ოქროსია.

არგენტინულ ტატამზე რიო დე ჟანეიროს "დიდ სლემზე" უფრო სუსტმა შემადგენლობამ მოიყარა თავი, რამაც საქართველოს ნაკრების ნევრებს გაუადვილა ასპარეზობა. ცხადი იყო, რომ ავთანდილ ჭრიკიშვილი (81 კგ.), ლევან ჟორჯოლიანი (100 კგ.) და ადამ ჟორჯოვილი (+100 კგ.) მედლებს მოიპოვებდნენ. სასინარულოა, რომ სამივე ჩემპიონი გახდა.



ხუთი ოქრო ბუენოს აირესიდან

ერთი დღით ადრე კვარცხლბეკის უმაღლეს საფეხურზე ავიდნენ ბეთილ შუკვანი (60 კგ.) და ლაშა შავდათუაშვილი (66 კგ.). მონაგარი უფრო შთამბეჭდავი მოგეგვენებათ, თუ ვიტყვით, რომ ნაკრების

ავსტრიელმა თავკაცმა არგენტინაში ხუთი ძიუდოსტი წაიყვანა. ხუთივემ წაუგებლად იასპარეზა.

სამართლიანობისთვის ისიც უნდა ითქვას, რომ არგენტინაში, ისევე როგორც ბრაზილიაში, ერთი

კვირით ადრე ნაკრები მეორე და მესამე შემადგენლობებით ჩავიდნენ, რაც იმან განაპირობა, რომ ლონდონის ოლიმპიური თამაშებისთვის ლიცენზიები გათამაშებულია. ასე რომ, ეროვნული ფედერაციები აღარ ზრუნავენ ლონდონური საგზურებისა და რეიტინგში დანიშნულებისთვის.

ბუნებრივია, ამის გამო საქართველოს ნაკრების ხუთივე წევრი არგენტინულ ტატამზე პირველ ნომრად განითქვა. ვერც რაოდენობრივი მხარე იყო მასპინძელთათვის საამაყო. შეხვედრები ძირითადად მეოთხედფინალებით იწყებოდა.

მაგალითად, ადამ ოქრუაშვილს ჩემპიონობისთვის ორი შეხვედრის მოგება იყო. მისგან განსხვავებით, ავთანდილ ჭრიკიშვილი ბოლომდე გაისარჯა - ოთხი შეხვედრა ჩაატარა, ლომერ ჟორჯოლიანმა კი - სამი. აბსოლუტური მარცხენებით ვაჟთა საერთო გუნდურ ჩათვლაში საქართველოს ნაკრებმა პირველი ადგილი დაიკავა. მეორე-მესამე ადგილებზე ბრაზილიისა და არგენტინის ნაკრებები გავიდნენ.

EUROPE-BET-ის სარეზონანსო სარეკლამო

მიხეილ აბიჯილი

განვიღო 22 ეროვნულ საფეხბურთო ჩემპიონატში გამარჯვებულები საქართველოს ტიტულის მოგებით, როგორც წესი, მორალურ კმაყოფილებას იღებდნენ. ფინანსური თვალსაზრისით საქართველოს ჩემპიონატში გამარჯვება საკლებო ბიუჯეტში მინიცდამინც დიდ ასახვას ვერ პოუვებდა. თუმცა, 23-ე ეროვნული ჩემპიონატი ამ თვალსაზრისით გამონაკლისი გამოდგა. პირველ რიგში, ეს ტოტალიზატორ Europe-bet-ის დამსახურებაა, რომელიც საქართველოს ჩემპიონატს გენერალურ სპონსორად მოეცლინა და ჩემპიონისთვის სოლიდური პრემია - 100 000 დოლარი დაანება.



დაჯილდოების საზეიმო ცერემონიალი 16 ივნისს ზესტაფონის დავით აბაშიძის სახელობის არენაზე გაიმართა. ჩემპიონისთვის ოქროს მედლების გადასაცემად ზემო იმერეთს საქართველოს ფეხბურთის ფედერაციის პრეზიდენტი ზვიად სიჭინავა და ვიცე-პრეზიდენტი ალექსანდრე ჩივაძე ეწვივნენ. "ზესტაფონის" ფეხბურთელებმა ჩემპიონის თასი და ოქროს მედლები ფედერაციის პირველი პირებისგან მიიღეს.

ცერემონიაში მონაწილეობის მისაღებად ჩავიდა კომპანია Europe-bet-ის გენერალური დირექტორი გიორგი გედევანიშვილი, რომელმაც "ზესტაფონის" კაპიტანს ზურაბ მამალაძეს 100 000-დოლარიანი ჩეკი გადასცა.